

四庫全書

子部

欽定四庫全書

子部

欽定協紀辨方書卷三十四

詳校官監察御史_臣邱庭澍

靈臺郎_臣倪廷梅覆勘

總校官知縣_臣楊懋珩

校對官編修_臣周宗岐

謄錄監生_臣楊金

欽定四庫全書

欽定協紀辨方書卷三十四

利用二

年神總論

月吉神總論

月凶神總論

諸家年月日吉凶神附論

制煞要法

四柱法

用日法

用時法

時刻方位圖

太陽到方圖

太陽到方時刻表

造葬權法

年神總論

選擇宗鏡曰年家吉凶神起例有八一曰本年天干二
曰三合五行三曰本年十二建星四曰本年五虎遁五
曰本年納音六曰四方七曰納卦八曰羊刃凡吉凶神
從此八者而起則為真於真凶之中又分輕重大者避
之中者制之小者以吉星照之而已

歲德歲德合歲祿馬貴人山方皆吉能制諸凶煞○歲
千化氣尅坐山化氣為正陰府凶帶卦者為傍陰府亦

凶俗術丙辛陰府用甲己二千化土制之乙庚陰府用
戊癸二千化火制之切不可信傍陰府有吉星制或年
月吉則不妨楊筠松開乾山用壬申壬子壬辰壬寅又
用壬子壬子壬子庚子合天地一氣格又取壬祿到乾
亥為吉也如祔葬及修造正傍俱不忌○以上從歲天
干起例

三煞大凶伏兵大禍夾三煞亦凶三煞止忌單修先從
吉方起手連及修之無害惟歲煞不可犯伏兵亦大

禍與吉星會不為害與凶煞會凶。臨官為天官符忌單修若從吉方起手連及修之無害月家飛宮同到小凶。地官符於吉方起手連及修之無害單修凶或用太陽紫白命貴祿馬制之吉。帝旺為金匱星吉又為打頭火主火燭凶若疊太歲尤凶。打頭火大忌不可犯或年獨火月遊火月家丙丁火但有一火會合其火即發如月日得一白水星到方有氣或有壬癸水星到能壓制不妨。三煞最凶伏兵大禍次之天官符打頭

火又次之。○以上從三合起例

建星如子年子上起建丑為除丑年丑上起建寅為除是也建為歲君為元神為吉凶衆神之主可坐不可向在山在方疊吉星則大吉疊凶星則大凶在方為堆黃方亦疊吉則吉疊凶則凶除為四利太陽小吉滿為土瘟為四利喪門凶又為天富小吉平為三台又為土曲又為四利太陰大吉定為歲三合為顯星吉又為地官符為畜官次凶執為四利死符又為小耗凶破為歲破

為大耗大凶危為極富星為谷將星為四利龍德吉成
為三合為天喜吉又為飛廉又為四利白虎小凶收為
四利福德小吉開為青龍太陰為生氣華蓋又為官國
星上吉又為四利弔客小凶閉為病符凶○平成開危
最吉定除次吉破大凶建可吉可凶○以上從十二建
星起例

五虎遁壬戌己為都天丙丁為獨火庚辛為天金神○
天金神一名遊天暗曜犯之患眼疾用丙丁九紫火星

制之無害○以上從五虎遁起例

本年納音尅坐山墓上納音者為年尅山家凶屬金者為地金神次凶○以上從納音起例

奏書博士吉蠶室力士小凶有吉星可用大將軍有吉星制年月利主吉年月不利亦主凶又忌與太陰會尤凶○以上從四方起例

太歲天干納在何卦其衝破對卦名曰破敗五鬼忌修方吉多不忌○以上從納卦起例

本年祿前一位為羊刃對衝為飛刃名李廣箭凶然惟
八干山有之忌坐山不忌方與向乾坤艮巽山無祿亦
無刃古人葬課犯陰府年尅者甚多而八干山絕無犯
李廣箭者其犯箭者皆四維山原無箭故也○以上從
羊刃起例

按年神總論宗鏡自為一家之言大體醇正故備錄
之然唯太歲歲破不可犯三煞猶可制化況其他乎
陰府以納甲為正卦為傍與通書不合而亦有理然

其義紆遠輕于年尅山家見義例本篇十二建星不足為憑當兼諸神叅看見義例四利三元條下天干臨官為祿帝旺為刃刃固不如祿之吉然其凶亦不過如大煞止耳大抵大煞羊刃皆不為凶疊凶星則凶猶疊太歲月建也且其起例既從年干又曰乾坤艮巽四山無刃則必年與山同夫甲山用卯月日正為扶山何凶之有故今臺官不用煞本條內云古人葬課犯陰府年尅者甚多則不為無功也至其中所

云神煞不忌新宅而忌舊宅又云年尅山家傷祖父
無祖父則不忌種種支離概刪不錄

月吉神總論

天德方即天道方月德方即三合月官旺之間大吉天
德合月德合方次吉此四德到方大能制此方之煞併
歲德歲德合共名六德俱走天干不走地支不能制地
支方煞也

月金匱方吉即三合月分之旺方也修之發丁修年金

匱不如修月金匱比月德後一步吉與月德同

月天赦方吉春戊寅夏甲午秋戊申冬甲子此天赦也然原無定在故以月建入中宮遁之遁得天赦落在何方北方宜修造可制官符等煞天月德三合周轉已有飛宮之義不宜再飛天赦必飛乃現

月凶神總論

月破山方皆凶坐山尤凶造葬皆不可犯

月陰府山凶月天干尅坐山所納之甲為正陰府帶卦

者為傍陰府

月尅山家凶月之納音尅山墓音也以年日納音制之
大月建乃月家土煞占山占向占方占中宮皆凶動土
尤凶吉不能制

小月建占方凶占山占向亦凶忌修不忌葬

月家打頭火小凶與丙丁火併不可修造用一白壬癸
制之月遊火不足忌

飛宮天地官符小凶有吉星可用

諸家年月日吉凶神附論

曾文述曰太歲坐山留福德却將年月更加臨還須四
柱無沖尅共轉天河福愈深楊筠松曰太歲可坐不可
向又曰吉莫吉於修太歲凶莫凶於犯太歲又曰太歲
疊吉星則貢福疊凶星則降禍俱言坐太歲之法也造
葬者坐太歲極吉向太歲極凶然坐之有數端焉一查
太歲不疊戊己陰府年尅打頭火乃可坐二要八節三
奇照之三要月日時或與太歲一氣或與太歲三合乃

吉若支沖之干尅之則犯歲君而大凶四要太陽紫白諸吉同到則尤妙福大而久非別吉之可比也

太歲祿馬貴人能壓一切凶星貴人為上祿馬次之要與造主本命祿馬同行乃能致福用命貴祿馬而歲貴祿馬不至者命主無管攝用歲貴祿馬而命貴祿馬不值者歲君不依歸歲命交會方為全美選擇務令有氣得時如木向春生金逢秋旺之類飛宮亦有六合之法合貴為上合祿次之如甲命祿在寅十二月作艮以月

建丑入中宮遁得寅字到乾乾中有亥合艮中之寅也
餘倣此

邱平甫曰諸家年月多舛惟紫白却可憑曾文述
曰祿到山頭主進財從外壓將來馬到山頭進官職要
合三元白貴人與白同旺相貴子入朝堂六白屬金秋
月旺紫火春夏強一八水土旺三冬立見福祿崇此言
紫白之真且宜與貴人祿馬同到又紫白喜旺相則愈
有力皆不二之論也桑道茂及一行禪師皆云紫白所

到之方不避太歲將軍官符諸凶惟不能制大月建而巳不避宅長一切凶年並不能為害惟不能制天罡四旺然而巳則紫白之吉古所共宗通書有謂飛宮吊替多有不合故紫白難用者妄也

凡月家吉星吊替飛宮不犯衝伏為美如一白到坎八白為艮為星伏之地九紫到坎八白到坤為星衝之地其吉減力

右論三篇亦出選擇宗鏡其中飛天赦為今所不用

然亦不背於理錄之以備一義也金匱星今亦不用
蓋金匱即大煞以其旺為吉又以其旺為凶未免自
相矛盾大抵金匱大煞本無吉凶疊吉星則吉疊凶
星則凶亦猶疊太歲月建耳其曰六德不能制支煞
非是夫支之凶者正當以干制之方見制化之理如
乙酉年歲煞在辰用庚辰月日時則天干一氣皆金
與乙作合為歲德而辰亦不以煞論矣故精於造命
之法則建除與山方猶屬第二義所謂天光下臨也

烏有重支而輕干者乎其曰大月建吉不能制亦非
夫月建謂之土煞自較太歲為輕況又不論定位而
論飛宮斷無山方中宮無往不忌之理其論坐太歲
之法慎重周詳體用兼備非惟日者之妙用實亦君
子之存心俗術並不論此漫曰太歲可坐何孟浪也
其中太歲不疊戊己可坐一語則又可以明戊己煞
之誤兼可以證大小月建之偽誠破的之論其論祿
馬貴人歲命同到與古課昭合而語義尤備其曰甲

命丑月寅祿到乾則亦止用地支一字可與真祿參觀各神制化諸說不同詳見後

制煞要法

選擇宗鏡曰坐三煞向太歲此不能制者也不可犯也三煞在方在向及陰府在山此可制而不易制者也不可輕也其餘紛紛神煞中煞制之小煞不必制有吉星同到自能壓伏除太歲在山在方宜合不宜衝灸退在山在方宜補不宜尅此外則四法而已干犯干制如陰

府天金神皆以干制干也支犯支制如地官符之類擇其死月死日修之可也三合犯三合制如三煞打頭火天官符以三合局尅之可也納音犯納音制如年尅地金神以納音制之可也今通書制三煞等法皆用納音不知納音力輕仍當兼地支三合取用方是

千金曰煞在山頭更若何貴人祿馬喜相遇三奇諸德能降煞吉制凶神發福多此言山頭之中煞小煞不用尅制而止以諸吉照之者也蓋尅則尅倒坐山矣山值

休囚月亦不吉

又曰吉星有氣小成大惡曜休囚不降災則尅制修方法也勿作一例看尅制者尅制得法為主吉星為用若小煞則不必制遇吉星自伏

太陽三奇能降諸煞紫白竅馬能制地官符大將軍以下諸煞祿制空亡貴人降諸煞以本命飛到者最為上太歲飛到者次之同到者尤吉

制煞之法宜用四柱尅之而不宜衝尅之則伏衝之則

起而反為禍除太歲陰府在坐山不宜尅外其餘諸煞如三煞官符大將軍伏兵大禍等項在坐則重而難制在向在方則輕而可降

方上有煞可制者先從吉方起手連及修作又從吉方住手亦佳

凶方怕疊太歲怕太歲對衝怕太歲三合其方則皆大凶次之怕月建相疊相衝相合則亦為禍不然不甚為禍也蓋歲君與月建之力極大吉星必藉其力方能作

福凶星必藉其力方能作禍吉方宜動不修動決不作
福凶方宜靜不修動亦不作禍惟年納音所尅之方雖
凶亦無害已為太歲所制故也

歲君月建衝破吉方則不吉無力故也若衝破凶方則
又凶蓋煞如虎如火合之固起衝之亦起惟浮天空亡
占句可以八字衝之

太歲可坐不可向三煞可向不可坐不易之論也

凡制神煞先令其星失時無氣更泊死絕休廢之鄉得

祿馬貴人當旺之令修之化煞為權較之尅制尤穩恐壓伏太過或遇衝合反為禍也

書曰若要貴修太歲若要發修三煞要大興修火星要小興修金神要發富修官符救冷退修灸退又曰制煞修方反獲吉福此言修非言葬言修方非言修山也蓋煞必須尅而坐山宜補尅之則山傷補之則煞旺故單云制煞修方者以方可尅故也惟太歲或在山或在方皆可修蓋修太歲者可合而不可尅不尅則不傷山也

陰府與山分而為二亦可修尅陰府不尅坐山也其餘諸煞皆與山方合而為一故尅制此方即所以尅制此煞惟方不怕尅也故皆指修方言此皆修年家坐宮煞非修月家飛宮煞

太歲必疊吉星不疊凶星而後修之君明臣良其吉可知故曰大富大貴

三煞連占一方其力極大制之得法自然發福然此煞最凶制不得法必至為禍修主孱弱亦難駕御不可輕

試

火星乃三合旺方即打頭火也尅而修之旺氣發越大
發人丁故曰大興

火尅金神則為財以丙丁奇制之則旺田產故曰小興
地官符為歲三合修之得法亦主旺財故曰發富

三合死方為爻退以月日旺相輔之則無氣而有氣矣
故曰救冷退

制煞之法古云干犯干制支犯支制三合犯三合制納

音犯納音制此確論也又有化氣犯者化氣制坐宮犯者坐宮制飛宮犯者飛宮制如陰府甲己屬土則以丁壬木制之乙庚屬金則以戊癸火制之此化氣制化氣也如病符小耗年家之不飛者以年月日吉照之此坐宮制坐宮也如月家打頭火則以月家一白或壬癸水德制之此飛宮制飛宮也又有以陰府甲乙屬木戊己屬土三煞打頭火官符等項在寅卯辰則屬木己午未則屬火本煞又自分五行尅制者倣此辨衰旺者亦倣

此

制煞全看月令必本煞衰月制神旺月乃可惟太歲灸退另論若諸煞聚會或與太歲同宮則不可制勿犯可也

通書曰太歲以下凶煞甚多難以盡避其各神所臨之地惟奏書博士宜伺之餘各有所忌須辨生旺休囚制化得宜如有破壞須修營者以天德歲德月德天德合歲德合月德合天恩天赦母倉所會之辰或各神出遊

日併工修之無妨

凡制凶神宜酌其輕重不可用煞之生旺如煞屬木者忌春令并忌亥卯未日時如用午字則木煞死申字則木煞絕餘可類推

按宗鏡載制煞之法甚詳醇多疵少故節取而錄之其曰吉方不動不作福凶方不動不作禍即洪範龜著其違靜吉作凶之理原文有曰戊己煞不動亦凶則悖謬已甚矣陰府制法似是而非辨見後通書二

則言畧而意該時憲書載於年神之下制煞之大要也今為逐條詳具於左

太歲 歲破

宗鏡曰太歲君也坐之吉向之凶衝破坐山故也四柱八字合之吉衝之尅之凶以臣犯君故也疊紫白三奇祿馬貴人等吉星則極吉得君行道膏澤及民也疊戊己年尅陰府大煞等凶星則又極凶衆凶有藉倚勢作孽也故太歲或在山或在方審其疊吉而不疊凶則以

四柱合之或一氣或三合局造葬移徙其福大而且久
非諸吉星可比也必要八節三奇太陽紫白諸吉同到
本命貴祿臨之尤妙曾文辿曰吉莫吉於修太歲凶莫
凶於犯太歲太歲所在宜造葬宜移徙宜補葺皆修也
不可拆毀不可挖窖開池皆犯也

按太歲為歲君吉星會於坐山乘旺固吉然不得已
而修作及葬事則可矣若興造之事本屬可緩行險
僥倖未必得福不如其勿犯也通書有用月日納音

尅太歲納音之說益屬無理至可坐不可向則不易之論蓋向太歲則坐于歲破矣雖有吉星不能解也又按坐太歲固吉而亦有不同如子午卯酉年太歲與大煞同位三煞與歲破同方則坐之亦不吉宗鏡因飛宮大煞名打頭火遂謂太歲疊打頭火凶失其義矣今改正

三煞 伏兵 大禍

通書曰三煞止忌修方先從吉方起手連及修之無害

如子年三煞在巳午未若巽坤方有吉星則從巽方起
工連及巳午未方至坤方止工亦可止忌單修巳午未
方是也

宗鏡曰三煞乃極猛之煞伏兵大禍次之要制伏得倒
占山造葬皆忌惟占方可制而修也制法有三一要三
合局以勝之二要三合得令之月三煞休囚之月三要
本命貴人祿馬及八節三奇或日月以照臨之小修則
或月或日之納音尅三煞方之納音得一吉星到方可

也三煞在南方巳午未則屬火用申子辰月日時在東方寅卯辰則屬木用巳酉丑月日時在西方申酉戌則屬金用寅午戌月日時在北方亥子丑則屬水三合無土局不能制忌用辰戌丑未相衝曾文述為壬申宅主修午未三煞方取甲辰年戌辰月壬子日庚子時豎柱與壬申年生命成申子辰水局以尅火煞一吉也甲戌庚天干三奇又辰子兩支不雜二吉也穀雨前太陽在戌與午方三合而甲戌庚貴人在未三吉也甲午午未

方為庚午辛未納音屬土而戊辰月壬子日納音皆木以木尅土四吉也命馬壬寅歲祿歲馬丙寅俱到離五吉也八白在坎照離九紫正在未坤六吉也古人之妙用如此

按三煞為太歲三合之衝可向不可坐故占山則造葬皆忌占方則可制而修也然各年不可概論寅申巳亥年煞在生我之方為收開閉之位又當休氣辰戌丑未年煞在我生之方為除滿平之位又當相氣

制化之法雖輕重亦有不同而要可制之化之變凶而為吉也若子午卯酉年則三煞與歲破同方對方太歲又與大煞同位雖有制伏亦難以吉論矣故子午卯酉年災煞最凶劫煞歲煞次之寅申巳亥年歲煞最凶劫煞災煞次之辰戌丑未年畧與子午卯酉等若寅申年之劫煞卯酉年之歲煞與太歲為六合其凶尤小如壬寅年用壬寅月日時修亥方則四祿聚亥乙酉年用庚辰月日時修辰方則一氣皆金並

不以歲煞論矣又寅午戌亥卯未年為煞尅歲巳酉
丑申子辰年為歲尅煞煞尅歲者俟其休囚之令用
之歲尅煞者則惟忌子午卯酉四旺月餘月皆可用
只取吉神到方八字成格而已又化煞變尅為生與
制煞之義有別煞尅歲者用煞之子如金煞尅木歲
用水局月日時則洩金以生木矣歲尅煞者用煞之
財如水歲尅火煞用金局月日時則洩火以生水矣
用子煞休用財煞囚具有妙義惟木煞無土局則不

用化而用制可也水煞無土局則不用制而用化可也
曾文辿取用甚精夫亦舉一隅耳引而伸之觸類而長之
選擇之能事畢矣月三煞倣此

年月尅山家

通書曰山家以得氣運為妙如月分與山運生旺比和
宜用之月分衰病亦可用惟忌年月日時尅山運耳然
止忌開山凡新立宅舍修造動土逾月安葬論之旬日
之內不忌祔葬祖塋倒堂豎造或現成基址不動地基

亦不忌又本日尅山家者如甲子年作水土山年納音屬金尅山家木運當取火月日時生旺兼作主火命併祿馬貴人制之吉月日尅者亦然

按洪範五行專論山運自為一家之言年尅山家世俗避之唯謹雖有月日尅制之說用者絕少惟旬日內不忌世多用之深以為便夫葬之吉凶不因日之近久旬日無咎踰月何傷荀悅曰非吉凶所從生洵知言矣然以五行生尅之理而論則以月日尅年納

音不如以年納音生日化尅為生於理為順再得正五行補龍扶山自應吉無不利月尅較輕日時尤輕八字成局納音自可勿論俗本又云年尅妨宅長月尅妨宅母日尅妨子孫則無稽已甚不足道矣

陰府太歲

通書曰此煞惟忌山頭不忌作向修方惟安葬不可犯又曰正陰府忌修陽宅安葬不忌傍陰府忌坐山修造

不妨用天月德太陽到山制之

宗鏡曰舊說陰府單占坐山以正五行之七煞尅之必陰府衰月七煞旺相得令之月如甲乙陰府屬木宜以庚尅甲以辛尅乙然必七月八月金旺木衰乃可制也又陰府生山者可制為坐山所尅者可制若與坐山同類則不可制制則尅倒坐山如震金山戌癸年為陰府癸生震戌受尅於震可制而修也若兌木山乙庚年為陰府乙可制也若以丙尅庚則兌山傷矣此皆指修山

而言若葬地決不可犯且尅陰府即尅歲君歲君不可尅也

按陰府之義本屬紆遠義例甚明術士不知其義又以襲誤傳譌遂各為臆說而不可解如甲山丁壬年為陰府以丁壬屬木尅甲巳之土也丙辛山甲巳年為陰府以甲巳屬土尅丙辛之水也宗鏡引舊說乃曰甲陰府屬木宜以庚尅之將謂丁壬年用庚尅甲山則山巳受太歲化氣之尅何堪又受月日正五行

之尅將謂丙辛山用庚尅甲年無論歲干不宜尅而
尅又非其所尅夫甲年之所以尅丙辛山者在土不
在木而欲以金尅之誠不解其何謂也若其與坐山
同類不可制之說則專指尅太歲而言而五行亦不
合如兌山乙庚年為陰府乃以兌為屬木而謂以丙
尅庚傷兌山則又以兌為屬金夫五行各有專屬理
之自然雖諸家取義不同亦必自成一說斷無忽命
為木忽命為金之理然曰尅陰府即尅歲君猶知陰

府之義在年不在山若諸家通書從年起例所列陰府皆山則所謂制陰府者皆尅山耳並未有知尅歲君者也至其曰正曰傍諸說不一大抵天干畧近卦義尤遠然觀臺官所傳及展轉遺誤之故又似卦係正文詳見義例本節究之五行之義當以正五行爲本其有取化氣者必實有合化之義而後取之茲乃舍正取化又非逐年遞變與五運之義亦不合良不可爲典要世人不察以其名為太歲也而即謂不可

犯以其名為陰府也而即謂安葬凶又無確切制化之法為之解說多致疑畏誤事宗鏡補龍篇載曾文述開乾山一用丁酉年己酉月甲申日己巳時一用己酉年癸酉月壬申日丁巳時謂陰府有金制甚為精當蓋乾納甲申己化土丁壬為陰府用申己酉年月日時一氣皆金則丁壬不得化木非但制之已也且安知其非以金局扶乾山乎若甲山陰府則不可用金制蓋甲之化土其理曲而甲本屬木其理直苟

以金尅丁壬丁壬未必受尅而甲木已先傷矣毋寧
丁年用火局壬年用水局用水以生甲之本行用火
以生甲之化氣而丁壬各從旺論自不能化木而尅
土乃為得之倣此類推則制之可也化之亦可也使
各從其類而自不尅我亦無不可也總之以補龍扶
山為主太歲而外各隨其義以為化裁則不惑於俗
術之曲說矣

灸退

通書曰爻退為三合死地可尙而不可坐取天道天德月德歲祿貴人制之

宗鏡曰凡煞皆強梁有餘故宜尅爻退乃休囚不足故宜補蓋二十四方位之氣皆隨太歲轉移爻退乃太歲死地山方無氣冷淡休囚故宜擇旺相月或月日時一氣或月日時三合補之則不退而反盛旺也若再加尅制則愈休囚愈退敗矣如申子辰年屬水水死於卯卯為爻退曾文迪取丙申年辛卯月乙卯日巳卯時修卯

方則三卯一氣局也或亥卯未三合亦可餘倣此再得
命祿歲祿同到或天干堆祿尤妙假如修卯方爻退用
三乙字乙祿到卯也然以一氣局或三合局為主而祿
不必甚拘通書有用六合者有單取堆祿者非是已上
補法雖係修方然修山亦可

按補爻退之法宗鏡得之通書用德祿亦是貴人則
差輕耳

大將軍 太陰

通書曰大將軍方伯之神其方忌興造若不會諸凶用真太陽制之吉太陰弔客同方歲后也其方忌興造宜太陽歲德三合制之

宗鏡曰大將軍占方不可修然有輕重如巳午未年將軍在卯甲巳年則卯乃丁卯也再以月建入中宮順數九宮惟乙亥月丁卯仍在卯上謂之將軍還位修造犯之凶餘月則丁卯飛出別方卯上得年家月家之紫白或太陽三奇亦可修也

按蓬瀛書曰歲在四孟太陰與大將軍合於四仲名
曰羣醜必須太陽到方如申年太陰大將軍合於午
必六月太陽到午宮又用午時修之所謂真太陽到
方也大吉若寅月太陰與大將軍合於子子時太陽
無光兼取丙丁奇九紫到方為吉若不會太陰不疊
凶煞則有一二吉星亦可修也

官符 白虎 大煞

通書曰官符有天官符地官符用年月日時納音尅之

如甲子年天官符在亥遁得乙亥納音屬火以水納音制之又用一白水星水德制之餘倣此又曰官符一年止占一字三奇紫白祿馬貴人一吉星到方即從吉方起工連及修之吉

宗鏡曰官符本非大凶遇竅馬吉或太陽到或紫白到或於其死月以天赦日解之以修主命貴人祿馬臨之反吉曾文辿曰紛紛神煞不須求但逢尅應便堪修吉星若照官符位為官職位顯皇州此言官符之可修也

地官符遇竅馬即吉遇紫白亦吉不必尅也楊筠松為人解訟以命貴解官符癸亥年地官符在卯修主乙亥生命陰貴人戊子以太歲癸亥入中宮戊子到震卯方也用午月卯木死於午也用甲午日天赦也訟果解所謂支犯支制也天官符乃三合中煞或倣上制三煞例以三合局制之煞比三煞則輕矣年月納音尅之亦可修也已未年天官符在寅十一月有葬寅山申向者小雪後太陽到山平安迪吉至月家飛宮官符尤無妨碍

謂必不可犯者謬也又曰天官符以年月納音尅之或日納音亦可再得太陽照之三奇紫白亦可若以三合局尅之則尤伏矣但不喜其還宮月分耳

按官符白虎大煞為歲三合若疊凶煞則為太歲所弔照其凶有力故以為忌若疊吉星則亦吉矣故當以吉星照臨為取用之法納音尅制次之其曰三合制之尤伏似亦以為太過之意月家飛宮復臨本位謂之還宮飛伏同到嫌其過旺則以三合局尅之可

也天官符為歲臨官之方亦畧與地官符同義大煞
疊太歲則凶見火星條下

喪門 弔客

紀歲歷曰喪門所理之地不可興舉弔客所理之地不
可興造及問病尋醫弔孝送喪

按喪門弔客為歲破三合小煞也三合之衝破則凶
破之三合未為凶也如兩方同修則與歲破合局衝
尅歲君大忌若單修一方則止取吉星照蓋用歲三

合月日惟忌歲破三合月日耳如子年喪門在寅弔
客在戌修寅方宜用子辰月日時合太歲忌用寅午
戌月日時合歲破亦不用申衝寅方也問病尋醫弔
孝送喪應不忌且如太歲在南方將終年不向南行
乎

黃幡 豹尾

乾坤寶典曰黃幡所理之地不可取土開門豹尾所在
之方不宜嫁娶興造

按子午卯酉年黃幡即官符豹尾即弔客寅申巳亥
年黃幡即白虎豹尾即喪門辰戌丑未年黃幡即太
歲豹尾即歲破當從各神以為制化黃幡為歲三合
墓地忌取土開門亦屬有理如不得已而用之則取
天道天德月德到方可矣豹尾尤輕嫁娶非忌其方
惟上轎下轎忌向之凡凶煞皆然豹尾却不足忌也

巡山羅睺 病符 死符 小耗

宗鏡曰巡山羅睺忌立向不忌開山修方通書曰以一

白水星制之明原曰病符主災病死符小耗同方忌塚墓置死喪及穿掘造作

按巡山羅睺為太歲前一位逼近太歲故立何忌之寅年在甲巳年在丙申年在庚亥年在壬雖近而不同宮對宮雙山之月有吉星到山到向坐山乘旺猶可擇吉取用若子年在癸丑年在艮卯年在乙辰年在巽午年在丁未年在坤酉年在辛戌年在乾則與太歲同宮勿犯可也通書謂以一白水星制之則誤

作四餘之羅睺以為屬火謬矣病符為舊太歲故亦忌立向死符為舊歲破故亦忌開山然皆小煞子午卯酉年猶與太歲歲破同行餘年則性情迥別各取山向三合月吉星蓋照便自可用但日時勿干犯本年太歲歲破耳

歲刑 六害

月刑月害附

通書曰歲刑忌修方六害忌開山月刑月害止忌修方宜取太陽三奇紫白祿馬貴人制之

按辰午酉亥年歲刑即太歲未申年歲刑即歲破開
山立向修方皆忌吉不能制也餘年止忌修方太陽
六德可以化之月刑亦然六害為六合之衝故忌開
山然惟辰戌年疊灸退巳亥年疊劫煞子午年疊歲
煞當兼補制之法而以太陽六德化之餘年則凡有
吉星到山三合月六合六德日即吉惟六合月不可
用蓋歲之六合月則六害為月破六害之六合月則
月又為歲破皆不吉也若月害對方即是太陽但擇

吉日即可修惟忌刑衝耳

蠶室 蠶官 蠶命

堪輿經曰蠶室所理之方不可修動歷例曰蠶官所理之地忌營構宮室蠶命所理之地不可舉動百事犯之皆絲繭不收

按蠶室蠶官蠶命為歲方長生之宮皆無凶義而堪輿經歷例以為絲繭之占亦恐傷生氣耳非凶煞也應忌於其方修作蠶室若養蠶則又應為吉方餘當

不忌

力士 飛廉

堪輿經曰力士所居之方不宜抵向神樞經曰飛廉所理之方不可興工動土

按力士恒居太歲前維辰戌丑未年與巡山羅喉同位太歲同宮不惟不宜抵向修造亦不可犯餘年不忌也飛廉亦小煞子丑寅午未申年同白虎卯辰巳酉戌亥年同喪門當同各煞制之

火星

通書曰獨火打頭火月遊火忌修造不忌安葬然必與年遁丙丁或月家丙丁獨火會合方忌不會不忌丙丁獨火不與諸火會合亦不忌也宜用一白水星水德制之又本曰忌用丙丁寅午戌月日時並丙丁奇九紫助其火氣

宗鏡曰打頭火即大煞為太歲三合旺方又為金匱星書云人家衰弱修金匱獨火將星原同位是也蓋大旺

則亢亢則屬火然制化得宜修動旺方則發丁旺家惟
子午卯酉年疊歲君不可犯其餘年分倣上制三煞法
以三合局制之通書忌用寅午戌局非是若巳酉丑年
打頭火在酉不用寅午戌火局何以制金之旺氣乎此
煞與天官符俱可吉可凶不與三煞比三合制矣再得
年月一白水星或年月壬癸水德本命貴祿尤妙四柱
忌用丙丁至八節之丙丁奇則又吉而无忌也年金匱
不空則修月金匱尤穩月金匱又不必尅但諸吉同到

則吉寅午戌月在午巳酉丑月在酉申子辰月在子亥卯未月在卯擇吉日修之主發人丁亦要無別緊煞乃可

按制火星之法諸說皆同水德壬癸也年家用年干起五虎遁月家用月建入中宮順數至壬癸是也四柱忌丙丁不忌寅午戌宗鏡說是三奇丙丁三元九紫雖不忌亦不取耳月家金匱方今通書不載然亦有理四仲月會月建亦須避忌與太歲同

金神

通書曰金神遇天干庚辛者宜用天干丙丁制之遇納音屬金者宜用地支巳午制之更宜用丙丁奇太陽羅星九紫及寅午戌火局制之

宗鏡曰金神忌修方動土犯之主目疾蓋目屬肝肝屬木金能尅木也葬事忌制之之法以火尅之而已庚辛干者為天金神以丙丁干制之納音金者為地金神以納音火制之又八節之丙丁奇或年家之九紫有氣

皆能制之修作無害非甚緊然也巳月金生申酉月金旺則不可犯金神在申酉方謂生旺得地則必於火旺之月以寅午戌三合制之若在午未方則火地尅之不得制而自可修矣

浮天空亡

通書曰浮天空亡乃年干納卦絕命破軍之位用天德月德照之本命貴人祿馬制之

按浮天空亡以年干取納甲之卦又以卦變絕命兼

取所納之干較之陰府太歲取義更為紆遠各本通書俱用之然亦年家小煞耳當以六德照之非但天月二德而已絕命破軍於九曜屬金取三奇九紫到方於義為切貴人祿馬則通例也一說用月日刑衝之大謬夫以月刑衝之則其方係月刑月破矣以日刑衝之則其方係日刑日破矣二者皆選擇之所忌欲以制凶而反召凶可乎

破敗五鬼

通書曰修造犯之主虛耗宜用太陽三奇歲月德合歲
命貴人祿馬制之

按破敗五鬼為年干納卦之衝較之浮天空亡尤為
小煞歲月德合制之固為親切然太陽三奇紫白有
一吉星到方亦自可修矣

月厭 五鬼

月厭為堪輿宗旨董仲舒言之極詳今時憲書與天道
天德並載於逐月之下天道天德用日而兼用方則月

厭當亦兼方論也子午卯酉月與建破同方必不可犯
巳亥月次之寅申辰戌為月三合丑未月為生氣太陽
丙丁照之可用又按古有歲厭之說子年起子逆行與
月厭同義五鬼子年起辰逆行常居歲厭三合前辰今
以方位考之則五鬼乃月厭之白虎厭所謂前猶歲所
謂後也為月厭之後從陰中之陰故曰五鬼然亦小煞
太陽三奇紫白祿馬貴人蓋照皆可用也

月建 月破

天寶歷曰月建所理之方戰鬪攻伐宜背之不可抵向
太白經曰五帝所在出軍不可向之

按月建可坐不可向月破可向不可坐與太歲歲破
同歲尊而月親也通書建破論日而不論方大小月
建論飛宮而不論定位殊失其旨世俗春不開東門
夏不開南門秋不開西門冬不開北門則太白經五
帝之義也

大月建 小月建

通書曰大月建忌修方動土小月建即小兒煞止忌修方用祿馬太陽三白九紫制之宗鏡曰月家土煞為大月建小兒煞與年家戌巳煞同小月建忌修方不忌安葬修方占山占向占中宮亦凶大月建尤凶不可制造葬皆忌通書遷葬不載者非

按小月建陽年以正月寅建入中宮陰年以正月戌入中宮皆順數至本建則小月建者乃月支飛宮耳大月建子年正月起艮逆飛九宮三年一周十五

年三元周而復始則大月建者乃月干支飛宮即其
月入中宮一星之本宮耳詳見義例以理而論自較
月建之定位為輕通書說是宗鏡據俗術之妄說謂
大月建主傷宅長小月建主傷小兒占山占向占方
占中宮皆忌而反詆通書不忌安葬為非實為過當
且太歲三煞亦或止忌山或止忌向或止忌方安有
山方中宮只占一處遂無往不忌之理乎其曰月家
土煞則是然亦惟子午卯酉年正七月辰戌丑未年

八九月寅申巳亥年十一月大月建與本月建同宮
謂之還位及疊戌巳五黃或入中宮則不可犯餘月
則有貴人祿馬六德之奇到方便自可修如太歲疊
吉星則吉是也大抵術士之說多自相矛盾而不可
通如謂月建為吉凶衆神之主疊吉星則吉疊凶星
則凶而又謂大月建凶不可制其不可從明矣以上
各條各隨其義以為制化若煞多而大凶則不可犯
若二一小煞則參互取義可也

四柱法

四柱以年為君月為相日為有司時為胥吏所貴支干純粹成格成局扶龍相主如君臣合德官吏奉法而人民實受其福也年為君故四柱切忌衝動太歲月為相當旺一時故扶龍山相主命必擇龍山主命旺相之月而制煞修方必擇煞神休囚之月日為有司君相之德賴以承宣故日之吉凶較年月尤切用日之法又以日干為君日支為臣干重而支輕日干必要旺相切忌休

囚總看月令以辨衰旺如寅卯月遇甲乙日為旺丙丁日為相皆吉如庚辛日為廢壬癸日為洩戊己日為受尅皆不吉也然此不當令之日干如四千三千一氣則比助身強如二月用四辛如此大八字也難逢難遇則取小八字如五月甲日休囚楊筠松亥年修卯方地官符用癸亥年戊午月甲午日丙寅時蓋甲日生在亥祿在寅又有年干癸水亥宮壬水以生之此古人扶持日干之法也此之謂小八字以四柱支干不純將就取用

也楊公曰取干最宜逢健旺即日干也造命書曰日干休囚非貧即夭皆名言也若日干休囚而又無比肩無印綬立見退敗用時有二法或與本日支干一類或日干之祿時而已時神吉凶不必拘也

四柱最忌地支相衝大凶衝龍衝山衝主命亦大凶天干尅龍山凶惟辰戌丑未為四庫自衝可衝山亦可衝主命則凶

凡四柱得天干一氣或地支一氣或兩干兩支不雜或

三台或三奇三德謂之成格三合局謂之成局皆吉格也然必扶龍山相主命乃吉如是則體立矣再得日月奇白照臨山向又四柱之貴人祿馬到山到命則用行矣體用兼全上也然有體而後求用切不可驚用而失體

按宗鏡四柱法造葬皆然其上取大八字其次亦取小八字謂用時止有二法則其義未備三合六合貴人皆吉不專取祿如申年月甲日則祿為破要在合

年月以取用耳小修止擇吉日吉時與山方年命生
合則吉蓋選擇所以利民過拘則廢事篇中所謂難
逢難過是也

用日法

日貴旺相得令忌休囚無氣而日干尤重日之吉凶全
看衰旺日之衰旺全看月令當令者旺受生者相皆大
吉尅月令者囚受尅於月令者死皆凶日生月者休亦
不為吉故母倉非上吉日

寅卯月甲乙寅卯為旺丙丁巳午為相巳午月丙丁巳
午為旺戊己辰戌丑未為相申酉月庚辛申酉為旺壬
癸亥子為相亥子月壬癸亥子為旺甲乙寅卯為相辰
戌丑未月戊己為旺庚辛申酉為相此內惟戊己日忌
動土亦忌修中宮天干旺相者吉支旺者有轉煞之疑
二月卯五月午八月酉十一月子乃謂轉煞然古人葬
課四卯四午四酉是不忌葬也楊公取午月甲午日修
官符方是不忌造也古人用四辛卯亦天干四廢四辛

相扶故不忌也

日干休囚四柱又無印綬比肩貧賤夭折之課也切忌勿用

寅月甲日卯月乙日巳月丙日午月丁日申月庚日酉月辛日亥月壬日子月癸日既得令而又得祿吉而又吉者也辰戌月戊日丑未月己日雖不得祿實得令中吉

日干為君支為臣與月令同氣或與月三合或月建相

生及天德歲德月德為上吉三德合日天恩天赦日為次吉

通書忌天吏日與年灸退同寅午戌月忌酉日亥卯未月忌午日申子辰月忌卯日巳酉丑月忌子日即三合死地也甚有理亦主退氣不致傷人

破日大凶與月相衝曰衝歲亦大凶

正四廢大凶謂支干俱無氣也傍四廢亦凶或支或干無氣也書云傍四廢吉多可用

荒蕪日次凶與四廢大同小異亦是失令休囚之日春
巳酉丑夏申子辰秋亥卯未冬寅午戌然正月止忌巳
日二月止忌酉日三月止忌丑日為準三季倣此有謂
百事皆忌者謬也

四廢荒蕪相兼日尤凶春酉夏子秋卯冬午

建破平收俗之所忌然惟破日最凶必不可犯建日吉
多可用平日甚吉收日吉多無妨書云其日與黃道天
月德併可用

凡辰戌丑未月修作中宮決不可用戌己日蓋中宮與四季月皆屬土再見土日必不吉

按宗鏡用日法專取旺相自為一家之言而與建除叢辰諸家亦不相背甚為可取然其論戌己日則謂辰戌丑未月日忌修中宮者是謂動土最忌者非論四廢日則以正四廢為凶者是以傍四廢為凶者非荒蕪日即五虛日以忌百事為謬者是謂一月止忌一字者非蓋古人造葬四柱取全局故春月忌己酉

丑及庚申酉年月日時卯酉衝故尤忌非謂見一字之即為荒廢也且有比肩相扶之法亦非概以荒廢為凶觀其謂子午卯酉為轉然而又載古人之不忌以為明徵其義可見至其以寅月甲日卯月乙日為得令得祿則醇乎其醇勝於復日之義遠矣總之日神吉凶皆以生旺為主四時五行至為活變當與宜忌參看則輕重取舍甚明至以年時合成八字則又非宜忌之所能盡神而明之存乎其人耳

用時法

時者日之用也全在幫扶日辰或與日支干比和或與日支三合六合即吉時家吉凶神不必盡拘惟貴人祿馬為吉如甲戌庚日以丑未時為貴人甲日祿到寅時子辰日馬到寅時是也

時衝月令衝歲君皆凶大事則忌小事可勿論

時破大凶日支衝時支也如子日午時之類

時刑次凶日支刑時支也如子日卯時之類

五不遇時次凶時干尅日干也如甲日庚午時之類三元歌曰縱得三奇與三門五不遇兮損光明可知其凶切忌之

旬中空亡截路空亡忌出行不忌葬事

時建吉與日比和也凡犯五不遇則凶古人多用建時決不用破時用五不遇者亦少楊筠松葬丁巳亡命子山午向用壬申戊申壬申戊申建時五不遇然取兩干不雜地支一氣又戊祿到巳申與巳合且戊壬同生於

申故不以不遇為嫌也凡用時小修則只取幫扶日主大修與埋葬則要幫扶四柱使四柱純粹以補龍山相主命乃千古不二之法也

孟月甲丙庚壬時仲月艮巽坤乾時季月乙辛丁癸時謂之四大吉時又為神藏煞沒但學者不明歸垣入局之理以取吉耳如正月雨水後亥將用事用子時上四刻作壬子山向則為神藏煞沒其他甲庚丙山向亦倣此推每一日只有一時諸星歸垣入局如太陽在子則

壬子時吉太陽在午則丙午時吉此即歸垣入局之妙也吉莫大焉元經云善用時者常令朱雀鍛羽勾陳登陞白虎燒身元武折足騰蛇落水天空投匭所謂六神悉伏也如不得六神悉伏則得吉將加時亦吉

日干不旺用祿時則旺如甲日寅時乙日卯時皆吉時能幫日干及幫四柱者真吉神也時家亦有三奇紫白傲月例推

遁甲奇門時乃行兵之用非為造葬也然造葬修方嫁

娶上官出行等事用之皆吉


凡選時用奇門之法先以超接為定次看祿馬貴人到局與奇相合斯為上吉能解一切凶煞名吉致福如奇到而祿不到為獨脚奇祿到而奇不到為空亡祿不能為制煞之用也

按宗鏡用時之法甚為切當惟四大吉時一條誤以四煞沒時為神藏煞沒辨見義例元經六神悉伏則神藏煞沒之正義也其曰太陽在子則壬子時吉太


陽在午則丙午時吉專取太陽當自為一義其以壬
時為子時上四刻於義尤精見義例貴登天門條下
其曰壬時作壬子山向乃取真太陽到山到向之法
但時刻係天常赤道度山向係地平方位度惟北極
之下赤道與地平合十二支占時之中四刻八千四
維占前後時各二刻合之亦為四刻如巳正二刻至
午初二刻屬丙方午初二刻至午正二刻屬午方之
類自是以南則北極漸低偏度漸多又夏至日行北

陸距地平遠則偏度多冬至日行南陸距地平近則
偏度少術家不明天學乃以二十四方位為二十四
時既與六壬之法不合又不與山向相應今按京師
北極出地推得各節氣太陽到方時刻列為表

時刻方位圖



太陽到方圖



甲為北極乙為京師天頂甲乙相距五十度五分丙
丁為赤道戊為太陽甲戌為夏至太陽去極六十六
度三十分即戌己之餘戊庚為高弧庚辛為太陽地
平經度距午七度三十分即庚乙辛角用弧三角形
法法見考
成上編求得戌甲乙角二度二十六分即丙己弧
為太陽距午赤道度變時得十分以減午正得午初
三刻五分為太陽到午方時刻以加午正得午正初
刻十分為太陽到丁方時刻也餘倣此推

太陽到方時刻表

地平方位
子癸丑艮寅卯乙辰巽巳丙午丁未坤申庚酉辛戌乾亥壬

冬 至

時	刻	分
子初	三	〇五
子正	初	一〇
子正	二	〇〇
子正	三	〇八
丑初	一	〇九
丑正	初	〇八
寅初	一	〇〇
寅正	三	〇〇
卯正	一	一二
辰正	初	〇〇
巳初	一	〇六
巳正	一	一四
午初	二	〇〇
午正	二	〇〇
未初	二	〇一
未正	二	〇九
申正	初	〇〇
酉初	二	〇三
戌初	一	〇〇
戌正	三	〇〇
亥初	三	〇七
亥正	二	〇六
子初	初	〇七
子初	二	〇〇

小 大

時	刻	分
子初	三	〇五
子正	初	一〇
子正	二	〇一
子正	三	一一
丑初	一	一二
丑正	初	一三
寅初	一	〇五
寅正	三	〇六
卯正	二	〇一
辰正	初	〇四
巳初	一	〇八
巳正	二	〇〇
午初	二	〇一
午正	一	一四
未初	二	〇〇
未正	二	〇七
申初	三	一一
酉初	一	一四
戌初	初	〇九
戌正	二	一〇
亥初	三	〇二
亥正	二	〇三
子初	初	〇五
子初	一	一四

寒 雪

大 小

寒 雪

時	刻	分
子初	三	〇四
子正	初	一一
子正	二	〇四
丑初	初	〇一
丑初	二	〇六
丑正	一	一〇
寅初	二	〇五
卯初	初	〇六
卯正	二	一四
辰正	初	一三
巳初	一	一四
巳正	二	〇四
午初	二	〇二
午正	一	一三
未初	一	一一
未正	二	〇一
申初	三	〇二
酉初	一	〇一
酉正	三	〇九
戌正	一	一〇
亥初	二	〇五
亥正	一	〇九
亥正	三	一四
子初	一	一一

地平方位			立立			春冬			雨霜			水降			驚寒			蟄露		
時	刻	分	時	刻	分	時	刻	分	時	刻	分	時	刻	分	時	刻	分	時	刻	分
子初	二	一三	子初	三	〇〇	子初	三	〇二	子初	三	〇〇	子初	三	〇〇	子初	二	一三	子初	二	一三
子正	一	〇二	子正	一	〇〇	子正	初	一三	子正	一	〇〇	子正	一	〇〇	子正	一	〇二	子正	一	〇二
子正	三	〇八	子正	三	〇一	子正	二	〇九	子正	三	〇一	子正	三	〇一	子正	三	〇八	子正	三	〇八
丑初	二	〇四	丑初	一	〇七	丑初	初	一〇	丑初	二	〇六	丑初	一	〇七	丑初	二	〇四	丑初	二	〇四
丑正	一	〇八	丑正	初	〇六	丑正	三	〇五	丑正	初	〇六	丑正	初	〇六	丑正	一	〇八	丑正	一	〇八
寅初	一	一二	寅初	初	〇四	寅初	二	一三	寅初	初	〇四	寅初	初	〇四	寅初	一	一二	寅初	一	一二
寅正	三	〇三	寅正	一	〇六	寅正	三	一〇	寅正	一	〇六	寅正	一	〇六	寅正	三	〇三	寅正	三	〇三
卯初	一	〇三	卯初	三	〇七	卯初	一	一二	卯初	三	〇七	卯初	一	〇七	卯初	一	〇三	卯初	一	〇三
卯正	三	〇〇	卯正	一	〇八	卯正	三	〇九	卯正	一	〇八	卯正	一	〇八	卯正	三	〇〇	卯正	三	〇〇
辰初	初	〇〇	辰初	二	一三	辰初	一	〇四	辰初	初	一三	辰初	二	一三	辰初	初	〇〇	辰初	初	〇〇
辰正	初	〇二	辰正	三	〇四	辰正	二	〇八	辰正	初	〇四	辰正	三	〇四	辰正	初	〇二	辰正	初	〇二
巳初	三	〇八	巳初	三	〇〇	巳初	二	〇九	巳初	三	〇〇	巳初	三	〇〇	巳初	三	〇八	巳初	三	〇八
巳正	二	〇八	巳正	二	〇六	巳正	二	〇四	巳正	二	〇六	巳正	二	〇六	巳正	二	〇八	巳正	二	〇八
午初	二	〇七	午初	一	〇九	午初	一	一〇	午初	一	〇九	午初	一	一〇	午初	二	〇七	午初	二	〇七
午正	初	〇七	午正	初	〇〇	午正	一	〇六	午正	初	〇〇	午正	初	〇〇	午正	初	〇七	午正	初	〇七
未初	三	一三	未初	初	一一	未初	一	〇七	未初	三	一一	未初	初	一一	未初	三	一三	未初	三	一三
未正	初	〇〇	未正	二	〇七	未正	初	〇六	未正	初	〇七	未正	二	〇七	未正	初	〇〇	未正	初	〇〇
申初	初	〇〇	申初	二	〇八	申初	初	〇五	申初	初	〇八	申初	二	〇八	申初	初	〇〇	申初	初	〇〇
申正	一	一二	申正	初	〇九	申正	二	〇四	申正	一	〇九	申正	初	〇九	申正	一	一二	申正	一	一二
酉初	初	一二	酉初	二	一一	酉初	初	〇二	酉初	初	一一	酉初	二	一一	酉初	初	一二	酉初	初	一二
酉正	初	〇三	酉正	三	〇九	酉正	初	〇一	酉正	初	〇二	酉正	三	〇九	酉正	初	〇三	酉正	初	〇三
戌初	二	〇三	戌初	三	〇九	戌初	一	〇二	戌初	二	〇九	戌初	三	〇九	戌初	二	〇三	戌初	二	〇三
戌正	二	〇七	戌正	三	〇八	戌正	初	〇一	戌正	二	〇八	戌正	三	〇八	戌正	二	〇七	戌正	二	〇七
亥初	一	一七	亥初	二	〇八	亥初	三	〇五	亥初	一	〇八	亥初	二	〇八	亥初	一	一七	亥初	一	一七
亥正	初	〇七	亥正	初	一四	亥正	二	〇六	亥正	初	一四	亥正	二	〇六	亥正	初	〇七	亥正	初	〇七
子初	初	〇七	子初	初	一四	子初	一	〇六	子初	初	一四	子初	初	一四	子初	初	〇七	子初	初	〇七

地平方位子癸丑艮寅卯乙辰巽巳丙午丁未坤申庚酉辛戌乾亥壬

雨暑			穀處			明露			清白			分秋			春秋		
時	刻	分	時	刻	分	時	刻	分	時	刻	分	時	刻	分	時	刻	分
子初	二	〇六	子初	二	〇八	子初	二	一〇	子初	二	一〇	子初	二	一〇	子初	二	一〇
子正	一	〇九	子正	一	〇七	子正	一	〇五	子正	一	〇五	子正	一	〇五	子正	一	〇五
丑初	一	〇〇	丑初	初	〇八	丑初	初	〇一	丑初	初	〇一	丑初	初	〇一	丑初	初	〇一
丑正	初	一一	丑正	初	一四	丑正	初	〇二	丑正	初	〇二	丑正	初	〇二	丑正	初	〇二
寅初	一	〇三	寅初	初	〇〇	寅初	初	〇〇	寅初	初	〇〇	寅初	初	〇〇	寅初	初	〇〇
寅正	二	〇八	寅正	一	〇〇	寅正	一	〇〇	寅正	一	〇〇	寅正	一	〇〇	寅正	一	〇〇
卯正	初	〇九	卯正	二	一二	卯正	二	〇〇	卯正	二	〇〇	卯正	二	〇〇	卯正	二	〇〇
辰初	二	〇九	辰初	初	一三	辰初	初	一三	辰初	初	一三	辰初	初	一三	辰初	初	一三
辰正	三	一一	辰正	二	〇六	辰正	二	〇六	辰正	二	〇六	辰正	二	〇六	辰正	二	〇六
巳初	三	一〇	巳初	二	〇七	巳初	二	〇七	巳初	二	〇七	巳初	二	〇七	巳初	二	〇七
巳正	二	〇九	巳正	一	〇四	巳正	一	〇四	巳正	一	〇四	巳正	一	〇四	巳正	一	〇四
午初	初	一四	午初	初	〇〇	午初	初	〇〇	午初	初	〇〇	午初	初	〇〇	午初	初	〇〇
午正	初	〇〇	午正	二	一三	午正	二	一三	午正	二	一三	午正	二	一三	午正	二	一三
午正	一	〇〇	午正	一	〇二	午正	一	〇二	午正	一	〇二	午正	一	〇二	午正	一	〇二
未初	三	〇一	未初	初	〇〇	未初	初	〇〇	未初	初	〇〇	未初	初	〇〇	未初	初	〇〇
未正	一	〇六	未正	二	一一	未正	二	一一	未正	二	一一	未正	二	一一	未正	二	一一
未正	初	〇五	未正	一	〇八	未正	一	〇八	未正	一	〇八	未正	一	〇八	未正	一	〇八
申初	初	〇四	申初	一	〇九	申初	一	〇九	申初	一	〇九	申初	一	〇九	申初	一	〇九
申正	一	〇六	申正	三	〇二	申正	三	〇二	申正	三	〇二	申正	三	〇二	申正	三	〇二
酉初	三	〇六	酉初	一	〇三	酉初	一	〇三	酉初	一	〇三	酉初	一	〇三	酉初	一	〇三
戌正	一	〇七	戌正	三	〇〇	戌正	三	〇〇	戌正	三	〇〇	戌正	三	〇〇	戌正	三	〇〇
戌正	二	一二	戌正	初	〇〇	戌正	初	〇〇	戌正	初	〇〇	戌正	初	〇〇	戌正	初	〇〇
亥初	三	〇四	亥初	正	〇一	亥初	正	〇一	亥初	正	〇一	亥初	正	〇一	亥初	正	〇一
亥正	三	〇〇	亥正	三	〇七	亥正	三	〇七	亥正	三	〇七	亥正	三	〇七	亥正	三	〇七
子初	二	〇六	子初	二	〇八	子初	二	一〇	子初	二	一〇	子初	二	一〇	子初	二	一〇

地平方位子癸丑艮寅甲卯乙辰巽巳丙午丁未坤申庚酉辛戌乾亥壬

種暑			芒小			滿暑			小大			夏秋			立立		
時	刻	分	時	刻	分	時	刻	分	時	刻	分	時	刻	分	時	刻	分
子初	二	〇一	子初	二	〇二	子初	二	〇三	子初	二	〇三	子初	二	〇三	子初	二	〇三
子正	一	一四	子正	一	一三	子正	一	一二	子正	一	一二	子正	一	一二	子正	一	一二
丑初	二	〇〇	丑初	一	一一	丑初	一	〇六	丑初	一	〇六	丑初	一	〇六	丑初	一	〇六
丑正	二	〇七	丑正	二	〇一	丑正	一	〇七	丑正	一	〇七	丑正	一	〇七	丑正	一	〇七
寅初	三	一一	寅初	三	〇二	寅初	二	一一	寅初	二	一一	寅初	二	一一	寅初	二	一一
卯初	一	一四	卯初	一	〇二	卯初	初	〇七	卯初	初	〇七	卯初	初	〇七	卯初	初	〇七
辰初	初	一〇	辰初	正	一〇	辰初	正	〇四	辰初	正	〇四	辰初	正	〇四	辰初	正	〇四
辰正	二	一〇	辰正	一	一〇	辰正	初	〇四	辰正	初	〇四	辰正	初	〇四	辰正	初	〇四
巳初	二	一三	巳初	二	〇五	巳初	一	〇二	巳初	一	〇二	巳初	一	〇二	巳初	一	〇二
巳正	二	〇三	巳正	一	〇九	巳正	初	〇一	巳正	初	〇一	巳正	初	〇一	巳正	初	〇一
午初	初	〇四	巳正	三	一四	巳正	三	〇五	巳正	三	〇五	巳正	三	〇五	巳正	三	〇五
午初	一	一四	午初	一	一一	午初	一	〇六	午初	一	〇六	午初	一	〇六	午初	一	〇六
午初	三	〇五	午初	三	〇四	午初	三	〇三	午初	三	〇三	午初	三	〇三	午初	三	〇三
午正	初	一〇	午正	初	一一	午正	初	一二	午正	初	一二	午正	初	一二	午正	初	一二
午正	二	〇一	午正	二	〇四	午正	二	〇九	午正	二	〇九	午正	二	〇九	午正	二	〇九
午正	三	一一	未初	初	〇一	未初	初	一〇	未初	初	一〇	未初	初	一〇	未初	初	一〇
未初	一	一二	未初	二	〇六	未初	初	〇四	未初	初	〇四	未初	初	〇四	未初	初	〇四
未正	一	〇二	未正	一	一〇	未正	初	〇三	未正	初	〇三	未正	初	〇三	未正	初	〇三
申初	一	〇五	申初	二	〇五	申初	初	一一	申初	初	一一	申初	初	一一	申初	初	一一
申正	三	〇五	酉初	初	〇五	酉初	初	一一	酉初	初	一一	酉初	初	一一	酉初	初	一一
酉正	二	〇一	酉正	二	一三	酉正	初	〇八	酉正	初	〇八	酉正	初	〇八	酉正	初	〇八
戌正	初	〇四	戌正	初	一三	戌正	初	〇四	戌正	初	〇四	戌正	初	〇四	戌正	初	〇四
亥初	一	〇八	亥初	一	一四	亥初	初	〇八	亥初	初	〇八	亥初	初	〇八	亥初	初	〇八
亥正	二	〇〇	亥正	二	〇四	亥正	初	〇九	亥正	初	〇九	亥正	初	〇九	亥正	初	〇九

地平方位子癸丑艮寅卯乙辰巽巳丙午丁未坤申庚酉辛戌乾亥壬

夏至

時	刻	分
子初	二	〇〇
子正	二	〇〇
丑初	二	〇一
丑正	二	一〇
寅初	初	〇〇
寅正	初	〇〇
卯初	二	〇四
卯正	一	〇〇
辰初	三	〇〇
辰正	三	〇七
巳初	二	〇七
巳正	初	〇七
午初	初	〇八
午正	二	〇五
未初	三	〇一
未正	初	〇七
申初	一	〇八
申正	初	〇八
酉初	一	〇〇
酉正	三	〇〇
戌初	一	一一
戌正	初	〇〇
亥初	一	〇五
亥正	一	一一

地平二十四方每方十五度子正初刻當子中午

正初刻當午中則是午正前七度半巳交午而午

正後七度半方盡午而交丁也前後遞加十五度

算用表之法如夏至節作午方宜用午初三刻五

分至午正初刻十分皆為太陽到方餘倣此

造葬權法

通書云凡修造必身命年月方向皆利則修作吉如或不利而又不得不作者則當遷居自所遷之處視所作之方為吉可也如年命利作兌不利作震則當遷居而東既居於東則自其居視所作之方昔為震者今為兌矣自此作之則無不可

論作方終始凡所作止在一宮選擇固易如連跨數宮有吉有凶則當於吉宮起工自此連及不利之宮殊無

害也若興造月日利而工作未辦則畧起造以應日時自此接連以作之固無不可也及其畢工須歸福德之方吉

論取土方道太歲三煞官符大小月建等方忌取土若遠隔百步之外目所不見則不問方道

論清明前後修墓法凡已墓墓塋或加土或種樹或砌祭臺或破壞修整宜於寒食清明之間鳩工修作不論山向年月日時按荆楚記寒食係冬至後一百零五日

以古歷平氣計之清明在冬至後一百零六日半寒食乃清明前二日也魏時寒食亦是三日

論豎造宅舍大寒五日後擇日拆屋起手立春前擇日豎造完工不忌開山立向年月尅山家及歲月諸凶神謂之歲官交承如已過立春後年月凶神方位已定不可修作如方位無凶神修作不妨

論安葬擇大寒五日後立春前先擇日破土又擇日安葬不忌開山立向年月日時尅山家歲月諸凶神要於

立春前依時謝墓或於來年寒食清明節加土謝墓
論凶葬法凡人初死乘凶葬之雖值凶神亦不為害今
人盡三日之內或一旬之內並不問開山立向年月但
擇吉日破土盡一日之內成墳俟凶神過方加土謝墓
右權法世多用之雖屬變通而亦有理利用之道於
斯備矣

欽定協紀辨方書卷三十四

欽定四庫全書

子部

欽定協紀辨方書卷三十五

詳校官監察御史臣邱庭澍

靈臺郎臣倪廷梅覆勘

總校官知縣臣楊懋珩

校對官主事臣李廷敬

謄錄監生臣劉贊化

欽定四庫全書

欽定協紀辨方書卷三十五

附錄

選擇之道自本原以至利用亦綦備矣顧有世俗相沿雖無甚義理而今猶仍其舊者亦有臺本流傳雖不甚遵信而昔已備一說者又或醇疵各半舉其全而義乃明抑或名異實同挾其原而情始見是雖不比於正編而亦不可缺也至於壬遁之法雖非日家

之本義而亦選擇所兼資略舉大要以備叅考作附錄

推測時刻

男女九宮

逐日人神所在

太白逐日遊方

長星短星

百忌日

祀竈日

洗頭日

嫁娶周堂

五姓修宅

事類總集

雜用宜忌

年月神煞

天星吉時

吉將加時

奇門三元

推測時刻

春分戌宮初度

日出卯正初刻

晝四十八刻

日入酉正初刻

夜四十八刻

六度

日出卯初三刻七分

晝四十九刻一分

日入酉正初刻八分

夜四十六刻十四分

七度

日出卯初二刻十四分

晝五十刻二分

日入酉正一刻一分

夜四十五刻十三分

清明

八度

九度

日出卯初二刻六分

晝五十一刻三分

日入酉正一刻九分

夜四十四刻十二分

子度

日出卯初一刻十三分

晝五十二刻四分

日入酉正二刻二分

夜四十三刻十一分

穀雨酉宮初度

日出卯初一刻六分

晝五十三刻三分

日入酉正二刻九分

夜四十二刻十二分

六度

日出卯初初刻十三分

晝五十四刻四分

日入酉正三刻二分

夜四十一刻十一分

十度

日出卯初初刻六分

晝五十五刻三分

日入酉正三刻九分

夜四十刻十二分

立夏

五度

十度

日出卯初初刻

晝五十六刻

日入戌初初刻

夜四十刻

十五度

日出寅正三刻九分

晝五十六刻十二分

日入戌初初刻六分

夜三十九刻三分

小滿中宮初度

三度

日出寅正三刻一分

晝五十七刻十三分

日入戌初初刻十四分

夜三十八刻二分

芒種

五度

日出寅正二刻八分

晝五十八刻十四分

日入戌初一刻七分

夜三十七刻一分

夏至未宮初度

日出寅正二刻四分

晝五十九刻七分

日入戌初一刻十一分

夜三十六刻八分

小暑

未度

日出寅正二刻八分

晝五十八刻十四分

日入戌初一刻七分

夜三十七刻一分

主度

日出寅正三刻一分

晝五十七刻十三分

日入戌初初刻十四分

夜三十八刻二分

大暑午宮初度

六度

日出寅正三刻九分

晝五十六刻十二分

日入戌初初刻六分

夜三十九刻三分

十度

日出卯初初刻

晝五十六刻

日入戌初初刻

夜四十刻

立秋

十度

十度

日出卯初初刻六分

晝五十五刻三分

日入酉正三刻九分

夜四十刻十二分

十度

日出卯初初刻十三分

晝五十四刻四分

日入酉正三刻二分

夜四十一刻十一分

處暑巳宮初度

日出卯初初刻六分

晝五十三刻三分

日入酉正二刻九分 夜四十二刻十二分

六度 日出卯初一刻十三分 晝五十二刻四分

日入酉正二刻二分 夜四十三刻十一分

七度 日出卯初二刻六分 晝五十一刻三分

日入酉正一刻九分 夜四十四刻十二分

白露 七度

八度 日出卯初二刻十四分 晝五十刻二分

日入酉正一刻一分 夜四十五刻十三分

九度 日出卯初三刻七分 晝四十九刻一分

日入酉正初刻八分

夜四十六刻十四分

秋分辰宮初度

日出卯正初刻

晝四十八刻

日入酉正初刻

夜四十八刻

六度

日出卯正初刻八分

晝四十六刻十四分

日入酉初三刻七分

夜四十九刻一分

七度

日出卯正一刻一分

晝四十五刻十三分

日入酉初二刻十四分

夜五十刻二分

寒露

五度

十度

日出卯正一刻九分

晝四十四刻十二分

日入酉初二刻六分

夜五十一刻三分

主度

日出卯正二刻二分

晝四十三刻十一分

日入酉初一刻十三分

夜五十二刻四分

霜降卯宮初度

日出卯正二刻九分

晝四十二刻十二分

日入酉初一刻六分

夜五十三刻三分

六度

日出卯正三刻二分

晝四十一刻十一分

日入酉初初刻十三分

夜五十四刻四分

七度

日出卯正三刻九分

晝四十刻十二分

日入酉初初刻六分

夜五十五刻三分

立冬

孟度

大度

日出辰初初刻

晝四十刻

日入酉初初刻

夜五十六刻

壬度

日出辰初初刻六分

晝三十九刻三分

日入申正三刻九分

夜五十六刻十二分

小雪寅宮初度

二度

日出辰初初刻十四分

晝三十八刻二分

日入申正三刻一分

夜五十七刻十三分

大雪

孟度

日出辰初一刻七分

晝三十七刻一分

日入申正二刻八分

夜五十八刻十四分

冬至丑宮初度

日出辰初一刻十一分

晝三十六刻八分

日入申正二刻四分

夜五十九刻七分

小寒

壬度

日出辰初一刻七分

晝三十七刻一分

日入申正二刻八分

夜五十八刻十四分

壬度

日出辰初初刻十四分

晝三十八刻二分

日入申正三刻一分

夜五十七刻十三分

大寒子宮初度

六度

日出辰初初刻六分

晝三十九刻三分

日入申正三刻九分

夜五十六刻十二分

十度

日出辰初初刻

晝四十刻

日入酉初初刻

夜五十六刻

立春

五度

六度

日出卯正三刻九分

晝四十刻十二分

日入酉初初刻六分

夜五十五刻三分

七度

日出卯正三刻二分

晝四十一刻十一分

日入酉初初刻十三分

夜五十四刻四分

雨水亥宮初度

日出卯正二刻九分

晝四十二刻十二分

日入酉初一刻六分 夜五十三刻三分

六度 日出卯正二刻二分 晝四十三刻十一分

日入酉初一刻十三分 夜五十二刻四分

七度 日出卯正一刻九分 晝四十四刻十二分

日入酉初二刻六分 夜五十一刻三分

驚蟄 七度

八度 日出卯正一刻一分 晝四十五刻十三分

日入酉初二刻十四分 夜五十刻二分

九度 日出卯正初刻八分 晝四十六刻十四分

日入酉初三刻七分 夜四十九刻一分

以上係京都節氣日出入晝夜時刻其各省日出入晝夜長短刻分不同皆依北極高度推之查時憲書即得

右通書推測時刻從春分起或隔六度或隔九度故清明立夏小滿大暑立秋白露寒露立冬小雪大寒立春驚蟄交節氣之日無日出入刻分今按各節氣推得日出入晝夜時刻已載公規卷內其原表附錄於此

男女九宮

三元經曰九宮建宅男命上元甲子起坎一中
元甲子起巽四下元甲子起兌七逆行九宮女
命上元甲子起中五中元甲子起坤二下元甲
子起艮八順行九宮

按上元甲子起坎一中元甲子起巽四下元甲
子起兌七而逆行九宮者即三元九星入中
宮之一星不分男女命也三元家以一白入中
宮則六白起坎一六白乾也乾為男故以一白

入中宮者屬之男命又以乾六白為男則坤二
黑為女男以六白起坎一則女以二黑起坤二
二黑加坤二則五黃入中宮故以五黃入中宮
者屬之女命而上元甲子遂于是始焉年逆者
星實順故男逆行年順者星實逆故女順行世
俗誤以上元為中元遂謂上元起兌七中元起
坎一下元起巽四康熙五十六年奉

旨改正列表於左

男女生命

上元

中元

下元

甲子癸酉壬午辛卯庚子己酉戊午	男一女五	男四女二	男七女八
乙丑甲戌癸未壬辰辛丑庚戌己未	男九女六	男三女三	男六女九
丙寅乙亥甲申癸巳壬寅辛亥庚申	男八女七	男二女四	男五女一
丁卯丙子乙酉甲午癸卯壬子辛酉	男七女八	男一女五	男四女二
戊辰丁丑丙戌乙未甲辰癸丑壬戌	男六女九	男九女六	男三女三
己巳戊寅丁亥丙申乙巳甲寅癸亥	男五女一	男八女七	男二女四
庚午己卯戊子丁酉丙午乙卯	男四女二	男七女八	男一女五
辛未庚辰己丑戊戌丁未丙辰	男三女三	男六女九	男九女六
壬申辛巳庚寅己亥戊申丁巳	男二女四	男五女一	男八女七

逐日人神所在

一日在足大指二日在外踝三日在股內四日在腰五
日在口六日在手七日在內踝八日在腕九日在尻十
日在腰背十一日在鼻柱十二日在髮際十三日在牙
齒十四日在胃脘十五日在徧身十六日在胃十七日
在氣衝十八日在股內十九日在足二十日在內踝二
十一日在手小指二十二日在外踝二十三日在肝及
足二十四日在手陽明二十五日在足陽明二十六日

在胃二十七日在膝二十八日在陰二十九日在膝脛
三十日在足趺

十干十二支人神所在

甲日在頭乙日在項丙日在肩背丁日在胃脇戊日在
腹巳日在背庚日在膝辛日在脾壬日在腎癸日在足
子日在目丑日在耳寅日在胃卯日在鼻辰日在腰巳
日在手午日在心腹未日在足申日在頭一云在肩腰
酉日在背一云在脛戌日在頭一云在咽喉亥日在項

十二時人神所在

子時在踝丑時在頭寅時在耳一云在目卯時在面辰時在項巳時在乳一云在肩午時在胃未時在腹申時在心酉時在膝戌時在腰亥時在股

右皆人神所在不宜鍼灸見類經今時憲書止載逐日人神具錄於此

太白逐日遊方

通書曰一日十一日二十一日正東二日十二日二十

二日東南三日十三日二十三日正南四日十四日二十四日西南五日十五日二十五日正西六日十六日二十六日西北七日十七日二十七日正北八日十八日二十八日東北九日十九日二十九日中方十日二十日三十日在天

按太白逐日遊方出於西域日時善惡宿曜經臨既非太白行度且西域月日又與中國不合實無義例然載在通書時憲書由來已久姑存其舊云

長星短星

歷例曰長星者正月初七二月初四三月初一四月初九五月十五六月初十七月初八八月初二初五九月初三初四十月初一十一月十二十二月初九是也短星者正月二十一二月十九三月十六四月二十五五月二十五六月二十七七月二十二八月十八九月十六十月十四十一月二十二十二月二十五日是也其日忌開市納財立券交易裁衣○曹震圭曰長

星金也短星火也謂金火之氣能毀傷萬物也○考原
曰長星者庚辛也以月建內所寄之干用五虎元遁得
庚辛者自建辰向前數之春夏至庚則止秋冬至辛則
止其本節所當之卦則取其宮數其餘辰則一辰當一
得數是也如正月建寅寅中有甲以甲遁得庚午自寅
一震三辰一巳一午一共得七數故七日為長星也二
月建卯卯中有乙以乙遁得庚辰自卯之震三併辰一
共四數故四日為長星也二月建辰辰中寄乙就乙仍

遁得庚辰止得一數故一日為長星也四月建巳用丁
遁得庚戌自巳之巽四歷午未申酉戌共九數也午不
用離九者以巳用巽四故也五月建午用丙遁得庚寅
為丙火長生之位故向前得庚子自離九歷未申酉戌
亥子得一十五也六月建未就丁遁得庚戌自未申歷
酉之兌七至戌共得一十也用兌七者以六月為金氣
伏藏之時故用西方之卦也七月建申申中有庚為同
體又以秋冬用辛故不用遁辰而用旺辰之酉自申至

酉之兑七共得八數也八月建酉酉中有辛故即得兑
七也今為二日五日合之亦得七九月建戌就辛遁得
庚子辛丑自戌至子得三自戌至丑得四也不用宮數
者以戌尚西方之令未至於乾也十月建亥用癸遁得
辛酉為干支同體故用壬遁得辛亥止得一也十一月
建子用壬遁得辛亥故自子之坎一至亥得十二也十
二月建丑就癸遁得辛酉自丑至酉得九也不用宮數
與九月同短星者丙丁也以月建內所寄之干用五子

元遁得丙丁者自建辰向前數之春夏至丙則止秋冬
至丁則止其本節所當之卦則取其宮數其餘辰則一
辰當一得數於朔實二十九內減之餘數是也如正月
用甲遁得丙寅寅為艮八以減二十九餘二十一日為
短星也二月用乙遁得丙戌自卯之震三至戌得十以
減二十九餘十九也三月就乙遁得丙子自辰一歷巽
四至子得十三以減二十九餘十六也四月用丁遁得
丙午為干支同體故即用本宮之巽四以減二十九餘

二十五也五月用丙遁得丙申自午至申之坤二共四
以減二十九餘二十五也六月就丁遁得丙午為干支
同體故即用旺辰得午之離九以減二十九餘二十也
七月用庚遁得丁丑自申之坤二歷酉戌亥子丑得七
以減二十九餘二十二也八月用辛遁得丙申丁酉自
兌七至申得十八至酉得十九也不以減二十九者以
其在十六以後也九月就辛遁得丙申丁酉自戌至申
得十一至酉得十二不用宮數與長星同以減二十九

餘八十七也今為十六日十七日未知孰是十月用
癸遁得丁巳自亥之乾六至巳得十二以減二十九餘
十七也今為十四日未知孰是大抵長星應在十五以
前短星應在十六以後恐傳者誤也十一月用壬遁得
丙午以子丑之月水旺火寒又為丙火胎養之位故復
用也自子之坎一至午得七以減二十九餘二十二也
十二月就癸遁得丙辰自丑至辰得四以減二十九餘
二十五也不用宮數與長星同○邵泰衢曰明原以長

星為金短星為火非也不知此生於月也十五以前月
光漸長而曰長十六以後月輪漸缺而曰短正七月者
春秋之始也故長於初七初八之上弦短於二十一
十二之下弦也長至於望之十五者長也短自十六而
至於二十五者短不及晦也五月而十五者物長至五
月而一陰生也九月而十六十七者五陰盛而陰將消
也十月而初一日者陽將長而長之所由始也四月五
月而二十五者陽已極而短之所由止也十五之前初

六十一十四無長星十五之後二十七二十六二十三
無短星正相應也短星皆在下半月不應有十四也

按明原以長星為金短星為火考原依其說曲為遷
就仍不能盡合邵泰衢以為生乎月又無理解顧相
傳已久存其名而闕其義可也

百忌日

甲不開倉乙不栽植丙不修竈丁不剃頭戊不受田己
不破券庚不經絡辛不合醬壬不決水癸不詞訟子不

問卜丑不冠帶寅不祭祀卯不穿井辰不哭泣巳不遠
行午不苦蓋未不服藥申不安牀酉不會客戌不乞狗
亥不嫁娶

祀竈日

凡祀竈擇六癸日

洗頭日

每月宜用三日四日八日九日十日十一日十三日十
四日十五日二十二日二十三日二十六日二十七日

及申酉亥子日不宜伏社建破平收日

按百忌日所忌用事凡萬年書通書所有及沐浴
宜申酉亥子日不宜伏社日已入宜忌卷內原文
附載於此

嫁娶周堂

夫 翁
第
可用

凡選擇嫁娶日大月從夫順數
小月從婦逆數遇第堂厨竈日
用之如遇翁姑而無翁姑者亦
可用

按周堂圖乾為翁坎為第艮為竈震為婦巽為厨
離為夫坤為姑兌為堂有合於儀禮新婦饋盥舅
姑饗婦之位次其所謂翁姑夫婦者各人所立之
方向也第與堂者第為坎宅堂為坐西向東之堂
行禮之所古人堂室如是也有厨而又有竈者厨
為女氏之行厨所以饋舅姑竈為男氏之饗竈所
以饗新婦也豈得有吉凶生於其間耶曹震圭以
卦為說義亦類此而要謂遇翁姑夫婦則凶殊為
非理因載在時憲書故存其舊第勿拘忌可耳

五姓修宅

年		子	丑	寅	卯	辰	巳	午	未	申	酉	戌	亥
宮姓屬土	宜六七八十二月	害	大	鬼	鬼	大	氣	白	大	小	小	小	害
	不宜三九月	財	通	賊	賊	墓	絕	虎	通	通	墓	財	
商姓屬金	宜七八十一月	小	大	氣	白	小	鬼	鬼	小	大	大	小	小
	不宜六十二月	通	墓	絕	虎	通	賊	賊	墓	通	通	通	通
角姓屬木	宜正二十月	小	小	大	大	害	小	小	大	氣	絕	鬼	害
	不宜六十二月	通	墓	通	通	財	通	通	墓	鬼	賊	財	通
徵姓屬火	宜正二四五月	鬼	小	小	小	小	大	大	小	害	害	大	氣
	不宜三九月	通	通	通	通	墓	通	通	財	財	墓	鬼	賊
羽姓屬水	宜正二十月	大	鬼	小	小	大	氣	白	鬼	小	小	小	大
	不宜三九月	通	賊	通	通	墓	絕	虎	賊	通	通	墓	通

唐書呂才傳卜宅篇曰易稱上古穴居而野處後世聖人易之以宮室蓋取諸大壯殷周時有卜擇之文詩稱相其陰陽書卜洛食近世乃有五姓謂宮也商也角也徵也羽也以為天下萬物悉配屬之以處吉凶然言皆不類如張王為商武庚為羽是以音相諧附至柳為宮趙為角則又不然其間一姓而兩屬復姓數字不得所歸是直野人巫師說爾按堪輿經黃帝對天老始言五姓且黃帝時獨姬姜數姓耳後世賜族者寢多然管蔡

邳霍魯衛毛聃邨雍曹滕畢原鄆郇本之姬姓孔殷宋
華向蕭亳皇甫本之子姓至因官命氏因邑賜族本同
末異詎為配宮商哉春秋以陳衛秦為水姓齊鄭宋為
火姓或所出之祖所分之星所居之地以著由來非宮
商角徵羽相管攝也○考原曰宮音為土商音為金角
音為木徵音為火羽音為水若歲遇絕位為氣絕胎為
白虎自墓為大墓衝墓為小墓尅歲枝為害財歲枝來
尅者為鬼賊同類為大通相生為小通如宮姓屬土長

生於申則巳年氣絕午年白虎申酉年小通辰年大墓
戌年小墓丑未年大通亥子年害財寅卯年鬼賊也商
姓屬金寅年氣絕卯年白虎丑年大墓未年小墓巳午
年鬼賊申酉年大通辰戌亥子年小通也角姓屬木申
年為氣絕鬼賊酉年為白虎鬼賊未年為大墓丑年為
小墓辰戌年為害財寅卯年為大通巳午亥子年為小
通也徵姓屬火亥年為氣絕鬼賊子年為白虎鬼賊戌
年為大墓辰年為小墓申酉年為害財寅卯丑未年為

小通巳午年為大通也羽姓屬水則巳年為氣絕午年為白虎丑未年為鬼賊辰年為大墓戌年為小墓寅卯申酉年為小通亥子年為大通也起月與年同宜大通小通月不宜大墓小墓月

按五姓修宅以五姓分五音歷代以來諸儒駁論不勝枚舉呂才其最著者也顧載在時憲書由來已久姑存其舊至其配年之法既取生尅又取墓絕胎且氣絕白虎既兼取鬼賊而宮姓巳午年又為小通商

姓寅卯年羽姓巳午年又為害財則皆不取其配月之法小通惟取兩月或取生我或取我生皆無義例亦不足辨矣

事類總集

通書曰年貴人冬至後用陽貴夏至後用陰貴時貴人晝用陽貴夜用陰貴又一說子至巳用陽貴午至亥用陰貴

凡修造用家主名姓昭告若家主行年不利即以子弟

行年得利者作修造主昭告神祇俟修造完備入宅然後安謝

凡新立宅舍或盡行拆除舊宅倒堂豎造修主人眷既已出火避宅其起工只就坐上架馬若修主不出火避宅或坐宮或移宮但就所修之方擇吉方起工架馬或別擇吉方架馬亦利若修作在住近空屋或在一百步之外起工架馬並不問吉凶方道

凡原有舊宅淨盡折去另造謂之倒堂豎造與新立宅

舍同擇吉方出火避宅俟工作完備別擇吉年月入宅
歸火

凡立礪便為立向修方如月家不利須與豎造同月蓋
豎造既得吉日則在前定礪難得全吉之日吉多凶少
亦可用至扇架則又輕於定礪矣

凡修造橋梁僧尼院宇庵觀神廟開山立向修方並與
民俗年月同

凡新立宅舍尚未歸火入宅即於宅內新造牛欄馬枋

羊棧猪牢等屋並不問年月方道如在百二十步之外
須看年月方道無凶煞占方宜起手修作

凡方道有三曰陰方道曰陽方道曰交接方道陰方道
者即中宮滴水門也陽方道者地基不與舊宅相接也
交接方道者或前後左右屋宇與舊宅相連也如屋上
起樓及架天井就簷滴水歸裏皆屬中宮名曰陰方只
取中宮無煞得吉會為大利如建亭臺造軒閣不進中
宮名曰陽方只取外方向為利如就屋比連接架增簷

添桁補廊名曰交接方要內外俱有吉會方為大利

凡作宅據方隅而作方隅則當用作方法若開新基立棟宇或淨盡拆除舊屋而創新居則當用作山法然造作之事以人家居處為本宮所居在所作百步外則新創者始可專用作山法若所居在所作百步內則雖新創亦當以作方法論之如所居雖在所作百步之外但屋宇舊房門廊俱在則其宅已定不過補東而去西除舊而換新尚當用作方法但不在百步之內禍福輕耳

故凡造作用作方法者多用作山法者少

論方道遠近神煞京城府州縣寸金之地所作之方但
隔街路作之不妨如小修葺並不問吉凶之方但要吉
日餘即不畏若是鄉村之地修方道或隔大溪水人不
得渡四時常流亦不問凶煞若隔小水溪澗常流不絕
小煞不妨若居城市隔一街巷三五尺非自己地者亦
不犯方隅神煞如欲屋近作樓臺廳館雖是修方亦取
方道有吉神無凶煞作之不妨

論入宅法山向中宮並無凶煞惟大門微有凶神却用
關閉正門從左右作小門出入或開橫門出入或奉祖
先福神香火暫駐吉方俟凶神過後正向得利別擇吉
月吉日或歲除正初或立春交接移入祖先福神香火
奉祀遂開正門無妨

論歸火與豎造同日惟推吉時家主先移祖先福神香
火入宅俗謂先過香火俟畢工後再擇吉日同家眷從
吉方入宅如豎造之日不先移香火入宅必待山向年

月得利方可入宅歸火若豎造之日雖吉或犯歸忌九醜又須別擇

凡人家修造內堂完備已歸火入宅向後續造廳廊或久住宅舍又欲修作安碇開渠修築等事只用修方法擇年月其山家墓運陰府太歲並不必忌惟浮天空亡巡山羅喉及月家飛宮方道緊煞忌之

凡造葬先看山家墓運要正陰府太歲不尅山頭若浮天空亡天官符占舍位並忌開山立向巡山羅喉止忌

立向次論月家飛宮天地官符忌開山立向又論月家
飛宮天地官符忌開山立向又論山家墓運正陰府太
歲月日時忌尅山如山家官符穿山羅喉天禁朱雀山
家困龍並忌開山吉星到則能制但用通天竅走馬六
壬星馬貴人為主尅擇利宜年月兼求三奇紫白祿馬
貴人諸家鑾駕帝星若有一吉神同到蓋照山向以佐
其吉修造則擇豎造吉日安葬則擇破土吉日大吉
凡吉星到山為蓋到方向為照若吉星到山到向併照

中宮豎造安葬大利如修方對宮方上得吉星名曰吉
星照方修作大利

凡方道遭火盡七日之內擇日起工半月內擇日豎造
並不問吉凶方道

凡入山伐木起工架馬定礮扇架與豎造宅舍同

凡成造船隻日與豎造宅舍吉日同忌火星天賊伏斷
正四廢執破日

凡蓋船篷日忌天火天賊八風破日

凡新船下水日與出行日同宜天德月德天德合月德
合要安平定成日忌觸水龍日

凡合壽木宜木建日正月庚寅二月辛卯二月戊辰四
月己巳五月壬午六月癸未七月庚申八月辛酉九月
戊戌十月己亥十一月壬子十二月癸丑及四廢日本
命納音生旺日忌本命日本命對衝日建日破日重日
日辰納音尅本命納音日

凡甃砌生墳亦如葬事選擇年月要開山立向不犯年

月家凶煞更得吉神蓋照山向却可用事若作印堂土堆惟擇吉日不問山向吉凶開壙砌金井宜四廢日旬中空亡月日及本命納音有氣月日

凡金井下碑日擇日與葬日同

凡療病針灸卒然有疾豈待擇吉而後求醫然先賢必用擇日欲人之不輕服藥也至於針灸視逐日人神所值之處尤宜迴避

凡嫁娶吉日宜不將天德月德天德合月德合母倉黃

道上吉次吉月恩益後續世戊寅巳卯人民合日又日辰合吉雖無不將亦可用不必拘也

凡月忌日不忌嫁娶辛亥年十一月初五日辛卯壬子年十二月初五日乙卯嫁娶用之亦多略舉此事以祛俗忌

凡嫁娶周堂值翁姑新人入門時俗有從權出外少避候新人坐牀翁姑方可回家

凡封拜施恩事出於上百無忌惟擇吉時

凡上官嫁娶出行入宅修造安葬修方一切動用宜四大吉時兼黃道吉星時得吉星到時可勝諸凶所有九醜路空旬空俱不思或合通天竅走馬六壬天罡取用吉時吉神到山到向為吉

雜用宜忌

起工架馬吉日

正月 辛未乙未壬午丙午外 癸酉丁酉丁丑癸丑

二月 戊寅庚寅己巳外 丙寅甲寅丁丑癸丑

三月 己巳甲申

四月 外丁丑丙戌丙午庚午丙子庚子

五月 乙亥己亥外辛亥

六月 乙亥甲申庚申外癸酉丁酉辛亥

七月 戊子壬子外丙子庚子戊辰丙辰

八月 乙亥己亥庚寅戊寅甲申戊申庚申外戊辰壬

辰丙辰辛亥丙寅

九月 癸卯外辛卯

十月 壬午辛未乙未外庚午丁未

十一月 庚寅戊寅外乙丑丁丑癸丑甲寅

十二月 戊寅己卯乙卯己巳外丙寅甲寅

起工通用吉日 己巳辛未甲戌乙亥戊寅己卯壬午

甲申乙酉戊子庚寅乙未己亥壬寅癸卯丙午戊申

己酉壬子乙卯己未庚申辛酉成開日

架馬吉方 宜天德月德月空三奇帝星併諸吉方

架馬凶方 忌年家三煞獨火官符月飛宮州縣官符

月流財小兒煞惟坐宮修方不出火避宅忌之

定礮扇架吉日

正月 丁酉丙午癸丑

二月 乙丑丙寅乙亥戊寅癸未庚寅己亥癸丑甲寅
己未

三月 甲子甲申戊子丁酉庚子壬子

四月 甲子庚午庚子丙午癸丑

五月 丙寅戊辰辛未甲戌戊寅癸未庚寅甲寅丙辰

巳未

六月 丙寅乙亥戊寅甲申甲寅庚申

七月 甲子戊辰辛未戊子庚子壬子丙辰

八月 乙丑丙寅戊寅庚寅巳亥癸丑丙辰

九月 庚午巳卯壬午癸卯丙午

十月 甲子庚午辛未壬午戊子乙未庚子壬子丙辰

辛酉

十一月 丙寅戊寅甲申庚寅戊申甲寅丙辰庚申

十二月 甲子丙寅己巳戊寅甲申戊子庚子壬子甲寅

庚申

定礮扇架通吉日 甲子乙丑丙寅戊寅己巳庚午辛

未甲戌乙亥戊寅己卯辛巳壬午癸未甲申丁亥戊

子己丑庚寅癸巳乙未丁酉戊戌己亥庚子壬寅癸

卯丙午戊申己酉壬子癸丑甲寅乙卯丙辰丁巳己

未庚申辛酉又宜天德月德黃道併諸吉神值日亦

可通用忌正四廢天賊建破日

修廚吉日

正月 戊寅

二月 乙亥丙寅癸丑戊寅甲申辛未甲寅己未

三月 己巳甲申外丙子甲子庚子壬子

四月 癸丑乙卯庚申

五月 丙寅己巳辛未戊寅甲寅庚寅壬辰癸未己未

乙卯

六月 丙寅戊寅甲寅辛亥甲申庚申

七月 壬子丙辰庚申

八月 丙寅庚寅戊寅壬子庚申乙亥

九月 己未丙午辛卯

十月 辛未乙未庚子丁未壬子

十一月 丙寅戊寅甲申戊申庚申甲寅庚寅

十二月 丙寅己巳戊寅甲申甲寅庚申

造門吉日

宜甲子乙丑辛未癸酉甲戌壬午甲申乙酉戊子己丑

辛卯癸巳乙未巳亥庚子壬寅戊申壬子甲寅丙辰
戊午又宜天德月德滿成開日

逐月造門吉日

正月 癸酉外丁酉

二月 甲申巳亥甲寅

三月 癸酉外丁酉

四月 甲子外庚午

五月 辛未

六月

甲申甲寅外庚申

七月

庚子壬子

八月

乙丑外乙亥

九月

外庚午丙午

十月

甲子辛未庚子乙未外庚午

十一月

甲寅

十二月

甲子甲申甲寅庚子外庚申

門光星

忌伏斷天賊正四廢天地空亡六壬空亡又忌旬中空
亡截路空亡時

逐月塑繪神像吉日

正月 丁酉外癸酉

二月 癸未乙亥辛亥外甲申丁未巳未

三月 丁酉外癸酉甲申

四月 戊午外甲子丁丑庚午

五月 癸未壬寅辛亥丙辰外丙寅辛未戊寅甲辰甲

寅巳未

六月 乙亥丁酉癸未壬寅辛亥外丙寅庚申申申甲

寅

七月 丙辰外戊辰甲子丙子庚子

八月 乙亥庚寅壬寅辛亥丙辰外乙丑壬辰丁巳

九月 戊午外庚午辛卯癸卯丙午壬午

十月 丁酉丙辰戊午外甲子庚午辛未乙未丁未

十一月 庚寅

十月

外

丙寅戊寅甲申甲寅庚申

養子納壻吉日

養子宜天德月德天德合月德合黃道益後續世納壻

宜與嫁娶日同

作牛欄吉日

宜甲子己巳庚午甲戌乙亥丙子庚辰壬午癸未庚寅
寅庚子日牛黃經又有戊辰戊午己未辛酉日又
宜戊己庚辛壬癸日初一初五初六十二三十

五日

逐月作牛欄吉日

正月 庚寅

二月 外戊寅

三月 巳巳

四月 庚午壬午

五月 巳巳壬辰外乙未丙辰

六月 庚申外甲申乙未

七月 戊申庚申

八月 外乙丑

九月 甲戌

十月 甲子丙子庚子壬子

十一月 乙亥庚寅

十二月 外乙丑丙寅戊寅甲寅

作馬枋吉日

宜甲子丁卯辛未乙亥巳卯甲申戊子辛卯壬辰庚子

壬寅乙巳壬子天德月德忌戌寅庚寅戊午天賊四
廢

逐月作馬枋吉日

正月 丁卯乙亥巳卯外庚午

二月 辛未外丁未巳未

三月 丁卯巳卯甲申巳巳

四月 甲子戊子庚子外庚午

五月 辛未壬辰外丙辰

六月 辛未乙亥甲申外庚申

七月 甲子辛未丙子戊子庚子壬子

八月 壬辰外乙丑甲戌丙辰

九月 外辛酉

十月 甲子辛未庚子壬子外庚午乙未

十一月 辛未乙亥壬辰

十二月 甲子戊子庚子外丙寅甲寅

養蠶作繭吉日

正月 癸酉癸卯甲寅丁卯庚午壬午丙午

二月 甲寅乙巳戊寅庚寅

三月 丁卯癸卯乙巳甲申戊申

四月 丁卯庚午壬午癸卯甲子丙子

五月 乙未丁未戊寅甲寅乙巳庚午壬午庚寅

六月 甲寅乙未甲申戊申癸酉庚寅戊寅

七月 甲子丙子癸酉乙未

八月 甲申戊申乙巳

九月 庚午癸酉壬午丙午

十月 甲子庚子癸酉壬午丁未乙未

十一月 戊寅庚寅甲寅

十二月 乙卯戊申甲寅庚寅戊寅甲申乙巳

作生墳合壽木

宜生命六甲旬空月日忌生命建破魁罡年又宜本命
納音生旺有氣日忌入墓日安壽木宜天德月德月
空方忌三煞方

子午卯酉生命忌子午卯酉年

寅申巳亥生命忌寅申巳亥年

辰戌丑未生命忌辰戌丑未年

水土命宜申酉亥子戌月日忌辰月辰日

金命宜巳午未申酉月日忌丑月丑日

木命宜亥子丑寅卯月日忌未月未日

火命宜寅卯辰巳午月日忌戌月戌日

寅午戌命忌寅午辰方申子辰命忌申酉戌方

己酉丑命忌巳午未方亥卯未命忌亥子丑方

斬草吉日

正月 庚午巳卯壬午

二月 庚午壬午甲午丙午

三月 壬申甲申

四月 甲子乙丑庚午壬午辛卯

五月 乙丑壬寅癸丑甲寅

六月 丁卯壬申甲申辛卯丙申癸卯乙卯

七月 甲子丁卯巳卯壬午辛卯癸卯丙午乙卯

八月 乙卯壬辰戊辰癸丑

九月 庚午壬午辛卯癸卯丙午乙卯丁卯

十月 甲子丁卯庚午辛未巳卯辛卯乙卯丙午

十一月 壬申甲申乙未丙申

十二月 壬申甲申丙申壬寅甲寅

入棺吉時

子日 甲庚 丑日 乙辛 寅日 乙癸 卯日 丙壬

辰日 丁甲

巳日 乙庚

午日 丁癸

未日 乙辛

申日 甲癸

酉日 丁壬

戌日 庚壬

亥日 乙辛

入殮吉時

甲子 申酉

乙丑 日出

丙寅 亥子

丁卯 寅卯午

戊辰 巳申

巳巳 巳午申

庚午 辰巳

辛未 辰未

壬申 未申亥

癸酉 辰申

甲戌 日入

乙亥 酉亥

丙子 日出

丁丑 寅卯

戊寅 辰巳

己卯 巳申

庚辰 巳申

辛巳 巳未丑

壬午 巳未

癸未 丑未

甲申

酉亥

乙酉

申酉

丙戌

戌亥

丁亥

巳未

戊子

寅申

己丑

丑未

庚寅

丑申

辛卯

丑未

壬辰

日入

癸巳

丑未

甲午

巳未

乙未

日入

丙申

日出

丁酉

寅卯辰

戊戌

巳申

己亥

巳申

庚子

戌亥

辛丑

丑寅

壬寅

亥子

癸卯

丑未

甲辰

寅申

乙巳

亥子

丙午

寅卯

丁未

亥子

戊申

寅申

己酉

巳申

庚戌

巳申

辛亥

巳未

壬子

辰戌

癸丑

丑未

甲寅

寅申酉

乙卯

申酉

丙辰

巳亥

丁巳

亥子

戊午

巳申

己未

午申

庚申

辰巳

辛酉

寅申

壬戌

丑寅

癸亥

巳申

成服除服吉日

成服宜甲子巳巳乙酉庚寅丁酉丙午癸丑戊午庚申
鳴吠日鳴吠對日忌重複建破日

逐月成服吉日

正月 乙酉庚寅丙午丁酉癸丑戊午

二月 甲子庚寅丙午庚申癸丑

三月 甲子乙酉庚寅丁酉丙午癸丑

四月 甲子乙酉庚寅丁酉庚申癸丑戊午

五月 乙酉庚寅庚申

六月 甲子乙酉庚寅丁酉丙午庚申

七月 甲子乙酉丙午丁酉癸丑戊午

八月 甲子庚寅庚申戊午

九月 甲子乙酉庚寅丁酉丙午庚申戊子

十月 甲子庚寅丁酉丙午乙酉庚申戊子

十月 甲子乙酉庚寅丁酉庚申

十一月 甲子乙酉丁酉丙午庚申戊午

除服宜壬申丙子甲申辛卯丙申庚子丙午戊午己酉

辛亥壬子乙卯己未庚申除日忌建破日

逐月除服吉日

正月 辛卯乙卯外丁卯癸卯己卯

二月 戊辰庚辰壬辰丙辰

三月 辛巳癸巳乙巳丁巳

四月 庚午壬午甲午戊午

五月 乙未巳未外 辛未

六月 壬申甲申丙申庚申

七月 巳酉外 癸酉丁酉乙酉辛酉

八月 甲戌丙戌戊戌庚戌壬戌

九月 辛亥外 乙亥癸亥丁亥

十月 丙子庚子外 甲子戊子

十一月 乙丑丁丑巳丑辛丑

十二月 戊寅外丙寅庚寅壬寅甲寅

按康熙七年吏部禮部欽天監會議選擇通書內
缺少公規春牛經日出入晝夜時刻氣候歲時紀
事逐月起工架馬吉日定礮扇架吉日修廚吉日
造門吉日塑繪神像吉日男女合婚行嫁月養子
納壻吉日作牛欄吉日作馬枋吉日養蠶作繭吉
日作生墳吉日斬草吉日入棺吉時入殮吉時入
殮安葬的呼日殃煞出去方成服除服吉日事類

總集等項二十三條於通書大全內取用今除公
規春牛經日出入晝夜時刻氣候歲時紀事已入
公規男女合婚行嫁月入殮安葬的呼日殃煞出
去方入辨訛事類總集內洪範五行九宮貴人神
煞等條入本原義例利用外餘皆附載於此其論
周堂值翁姑則世俗之權而失其經亦可見陋說
之害理也其論專取吉時則至不得已而通其變
亦可見術數之不拘也至其選定吉日世亦不甚

遵信如入殮成服各有禮制不問陰陽也牛欄馬枋事本相同無須別擇也若門光星大月起寅小月起卯按日順數上旬越戌下旬越辰東西為吉南損畜北損人雖有例可推而實無義可解略之而索隱或以為奇錄之而習見自呈其陋觀者當自知辨也至于上官天遷圖亦出通書大全已為選擇通書所不取蓋與諸家周堂同出術士捏造概置不錄

年月神煞

年干		甲	乙	丙	丁	戊	己	庚	辛	壬	癸
官星	酉	辛	庚	癸	壬	乙	甲	丁	丙	己	戊
催官	辰	巳	丑	寅	戌	亥	未	申	子	酉	卯
干鬼	申	酉	亥	子	寅	卯	巳	午	辰	戌	丑
羊刃	卯	辰	午	未	午	未	酉	戌	子	丑	未
飛刃	酉	戌	子	丑	子	丑	卯	辰	午	未	未
天祿星	寅	艮	震	巽	離	巽	離	坤	兌	乾	坎
文昌星	巳	午	巳	午	申	酉	亥	子	寅	卯	卯

年干
甲 乙 丙 丁 戊 己 庚 辛 壬 癸

魁名星

寅 卯 辰 巳 午 未 申 酉 戌 亥
寅 卯 辰 巳 午 未 申 酉 戌 亥

天財星

子 丑 寅 卯 辰 巳 午 未 申 酉
子 丑 寅 卯 辰 巳 午 未 申 酉

文魁星

未 申 酉 戌 亥 子 丑 寅 卯 辰
未 申 酉 戌 亥 子 丑 寅 卯 辰

右年神皆從歲干起例官星即正官也惟官即正官六合也干鬼即偏官也羊刃即陽刃飛刃其對衝也天祿星即干祿與本宮卦也文昌星即食神祿也魁名星即比劫也天財星即印綬也文魁星即傷官與其六合也今臺本惟用干祿不用祿宮

餘皆不用蓋皆祿命之法不係神煞宗鏡以羊刃
為李廣箭甚言其凶殊屬無謂故將全例備錄於
此以見專取羊刃者之可以不必也

年支子丑寅卯辰巳午未申酉戌亥

長生 生天太陽

申巳寅亥申巳寅亥申巳寅亥

沐浴 大敗桃花煞

酉午卯子酉午卯子酉午卯子

冠帶 豹尾

戌未辰丑戌未辰丑戌未辰丑

臨官 歲德合
遊禍

亥申巳寅亥申巳寅亥申巳寅

帝旺 金匱星
將星
大煞

子酉午卯子酉午卯子酉午卯

年支

子丑寅卯辰巳午未申酉戌亥

衰

人倉方
土虛

丑戌未辰丑戌未辰丑戌未辰

病

驛馬 天后

寅亥申巳寅亥申巳寅亥申巳

死

灸退

卯子酉午卯子酉午卯子酉午

墓

華蓋
黃幡

辰丑戌未辰丑戌未辰丑戌未

絕

劫煞

巳寅亥申巳寅亥申巳寅亥申

胎

災煞

午卯子酉午卯子酉午卯子酉

養

歲煞

未辰丑戌未辰丑戌未辰丑戌

右年神皆從歲支三合起例今臺本不取長生沐浴

浴臨官及衰方蓋沐浴衰方不比死地長生為生
天太陽臨官為歲德合名義不符遊禍論日辰不
係方位想亦後人因其八而補其四如王日之因
其五而補其七也況三煞原非取絕胎養為義而
俗術又合病死墓三方名曰通天煞蓋屬荒唐故
將起例附錄於此以見此編非闕畧也

歲厭

年支

子丑

寅卯

辰巳

午未

申酉

戌亥

子亥

戌酉

申未

午巳

辰卯

寅丑

歲支六合金烏星

丑子

亥戌

酉申

未午

巳辰

卯寅

年支

子

丑

寅

卯

辰

巳

午

未

申

酉

戌

亥

太陰守殿

寅

丑

子

亥

戌

酉

申

未

午

巳

辰

卯

紅鸞

卯

寅

丑

子

亥

戌

酉

申

未

午

巳

辰

五鬼

辰

卯

寅

丑

子

亥

戌

酉

申

未

午

巳

支神退

流財

巳

辰

卯

寅

丑

子

亥

戌

酉

申

未

午

厭對

太陽升殿

午

巳

辰

卯

寅

丑

子

亥

戌

酉

申

未

陰中太歲

害

未

午

巳

辰

卯

寅

丑

子

亥

戌

酉

申

支德六合

申

未

午

巳

辰

卯

寅

丑

子

亥

戌

酉

天喜

酉

申

未

午

巳

辰

卯

寅

丑

子

亥

戌

年解星

戌	酉	申	未	午	巳	辰	卯	寅	丑	子	亥
---	---	---	---	---	---	---	---	---	---	---	---

玉兔星

亥	戌	酉	申	未	午	巳	辰	卯	寅	丑	子
---	---	---	---	---	---	---	---	---	---	---	---

右年神皆從歲厭起例臺本惟用五鬼支退六害
餘皆不用支退流財無理陰中太歲名義不合見
辨謠歲支六合雖有取義然歲非月比太陽歲一
周天專以六合名金烏其義較遠枝德已是五合
又取六合亦屬太紆紅鸞天喜星命家用之亦無
緊要歲厭雖近古然大率由月而推不如四時之
切且歷來通書皆不用何可又增之以滋拘忌乎

至於太陽升殿則因厭對又為六儀也太陰守殿則因在厭後二辰如歲後二辰為太陰也玉兔對金烏年解隨天喜觀其起例大抵亦術士所推行附錄於此庶不得挾以為秘訣云爾

年干甲乙丙丁戊己庚辛壬癸

天帑星

乾坤艮兌坎離震巽乾坤

甲穿山羅睺

山家困龍

乙天禁朱雀

戌	申	午	辰	寅	戌	申	午	辰	寅
乾	庚	丁	巽	甲	癸	乾	庚	丁	巽
亥	酉	未	巳	丑	亥	酉	未	巳	丑
甲	癸	乾	庚	丁	巽	甲	癸	乾	庚

丙 獨火
丁

戊 都天
己

庚 天金神
辛

壬 水德
癸

右年神從納甲遁干起例天帑星為年干納甲破

酉	申	未	午	巳	辰	卯	寅
未	午	巳	辰	卯	寅	丑	子
巳	辰	卯	寅	丑	子	亥	戌
卯	寅	丑	子	亥	戌	申	未
丑	子	亥	戌	申	未	巳	辰
子	亥	戌	申	未	巳	辰	寅
戌	申	未	巳	辰	寅	丑	子
申	未	巳	辰	寅	丑	子	亥

敗五鬼即其衝也今臺本不用天帑星是不以天帑為吉亦實無吉可言則破敗五鬼之不為凶可知矣甲為穿山羅睺乙為天禁朱雀甲乙之間為山家困龍丙丁為獨火戊己為都天庚辛為金神壬癸為水德十干本屬一例今臺本通書既不用戊己壬癸而于丙丁獨火又云與年獨火打頭火併方為災金神雖載在時憲書亦不甚以為拘忌乃獨于甲乙則曰開山凶甚屬非理夫十干甲乙最吉不當以遁干為凶壬癸為丙丁之對宗鏡諸

書以水德制火星其義畧有可取戊巳屬土入中
宮疊太歲為堆黃與月建併忌動土猶土王用事
忌動土之義即不列為吉凶神而於理固不背也
已具利用卷中故附錄於此

天貴	甲乙	春	夏	秋	冬
干支旺日	甲寅 乙卯 丙辰 丁巳 戊午 己未 庚申 辛酉 壬戌 癸亥	丙午 丁未 戊申 己酉 庚戌 辛亥 壬子 癸丑 甲寅 乙卯	庚申 辛酉 壬戌 癸亥 甲子 乙丑 丙寅 丁卯 戊辰 己巳 庚午 辛未 壬申 癸酉	甲子 乙丑 丙寅 丁卯 戊辰 己巳 庚午 辛未 壬申 癸酉 甲戌 乙亥 丙子 丁丑 戊寅 己卯 庚辰 辛巳 壬午 癸未	壬午 癸未 甲申 乙酉 丙戌 丁亥 戊子 己丑 庚寅 辛卯 壬辰 癸巳 甲午 乙未 丙申 丁酉 戊戌 己亥 庚子 辛丑 壬寅 癸卯
干支相日	丙午 丁未 戊申 己酉 庚戌 辛亥 壬子 癸丑 甲寅 乙卯	庚申 辛酉 壬戌 癸亥 甲子 乙丑 丙寅 丁卯 戊辰 己巳 庚午 辛未 壬申 癸酉	甲子 乙丑 丙寅 丁卯 戊辰 己巳 庚午 辛未 壬申 癸酉 甲戌 乙亥 丙子 丁丑 戊寅 己卯 庚辰 辛巳 壬午 癸未	壬午 癸未 甲申 乙酉 丙戌 丁亥 戊子 己丑 庚寅 辛卯 壬辰 癸巳 甲午 乙未 丙申 丁酉 戊戌 己亥 庚子 辛丑 壬寅 癸卯	甲寅 乙卯 丙辰 丁巳 戊午 己未 庚申 辛酉 壬戌 癸亥
土公忌方	寅卯辰巳午未申酉戌亥子丑	巳午未申酉戌亥子丑寅卯辰巳午未申酉戌亥子丑	申酉戌亥子丑寅卯辰巳午未申酉戌亥子丑寅卯辰巳午未申酉戌亥子丑	亥子丑寅卯辰巳午未申酉戌亥子丑寅卯辰巳午未申酉戌亥子丑	子丑寅卯辰巳午未申酉戌亥子丑寅卯辰巳午未申酉戌亥子丑

六畜肥	申子辰亥卯未寅午戌巳酉丑	春	夏	秋	冬
天良日	甲寅丙寅庚寅壬寅寅				
太歲遊	乾艮巽坤				
淨欄煞	巽坤乾艮				
孤辰	巳申亥寅				
寡宿	丑辰未戌				

右月神皆從四時起例天貴為令星旺相日蕪干支土公忌即月建已見義例利用卷六畜肥則生

當令之三合由母倉而推行者也天良日以令星
陽干加寅由天赦而推行者也其義雖吉然不可
為典要太歲遊即四時長生之卦淨欄煞為其對
衝又由生天太陽破敗五鬼而推行者也孤辰寡
宿以令前為孤令後為寡又由奇門孤虛而推行
者也雖有義例而紆濶不切事理故今臺本皆不
用然較之世俗以月令所生之三合為大敗六不
成以母倉為魯班刀砧煞者尚屬可通故錄之以
備一說而其餘之不錄者槩可類推也

天星吉時

日支子丑寅卯辰巳午未申酉戌亥

天貴星太乙星

申戌子寅辰午申戌子寅辰午

明輔星貴人星

酉亥丑卯巳未酉亥丑卯巳未

月僊星福德星

子寅辰午申戌子寅辰午申戌

天德星寶光星

丑卯巳未酉亥丑卯巳未酉亥

天開星少微星

卯巳未酉亥丑卯巳未酉亥丑

日僊星鳳輦星

午申戌子寅辰午申戌子寅辰

按天貴星太乙星即青龍也明輔星貴人星即明

堂也月僊星福德星即金匱也天德星寶光星即
天德也天開星少微星即玉堂也日僊星鳳輦星
即司命也術士飾其名以動聽其實非有二也今
日表已刪去附載於此又本以道遠幾時通達路
遙何日還鄉為訣子午日起申丑未日起戌寅申
日起子卯酉日起寅辰戌日起辰巳亥日起午以
次數之值道遠通達遙還字有走遠者為吉亦即
起黃道之法非另有秘訣也

吉將加時

通書曰善用時者使六神悉伏如不得六神悉伏則宜就吉將加時亦以吉論

按六神悉伏即貴登天門吉將加時則六壬之貴人六合青龍太常太陰天后六吉將也其法以月將加時視時上所臨之神遇吉將者是夫六神既不悉伏則六吉亦不得位未足為吉若四大吉時又遇吉將乃為吉耳然於義不悖大統歷亦用之附錄於此不作立成者以四大吉時貴登天門已列立成同一月將加時故也

奇門三元歌

軒轅黃帝戰蚩尤涿鹿經今苦未休偶遇天神授符訣
登壇致祭謹虔修神龍負圖出洛水彩鳳銜書碧雲裏
因命風后演成文遁甲奇門從此始一千八十當時制
太公刪成七十二逮於漢代張子房一十八局為精藝
先須掌上排九宮縱橫十五在其中次將八卦輪八節
一氣統三為正宗陰陽二遁分順逆一氣三元人莫測
五日都來換一元超神接氣為準的二至之前有閏奇

此時疊節累乘之積日以成閏月積時以成閏奇認取九宮為九星八門時逐九星行九宮逢甲為直符八門直使自分明符上之門為直使十時一位堪評據直符常以加時干直使逆順時宮去六甲元號六儀名三奇即是乙丙丁陽遁順儀奇逆佈陰遁逆儀奇順行吉門偶爾合三奇直此經云百事宜更合從傍加簡點餘宮不可有微疵三奇得使誠堪取六甲遇之非小補乙逢犬馬丙鼠猴六丁玉女騎龍虎又有三奇遊六儀號為

玉女守門扉若作陰私和合事請君但向此中推天三

門兮地四戶問君此法知何處太衝卯小吉未與從魁

酉此是天門私出路地戶除危定與開舉事皆從此中

去六合太陰太常君三辰元是地私門更得奇門相照
耀出門百事總忻忻太衝天馬最為貴卒然有難宜逃
避但當乘取天馬行劍戟如山不足畏三為生氣五為
死盛在三兮衰在五能識遊三避五時造化真機須記
取就中伏吟為最凶天蓬加著地天蓬天蓬若到天英

上須知即是反吟宮八門返復皆如此生在生門死在死縱令吉宿得奇門萬事皆凶不堪使六儀擊刑何太凶甲子直符愁向東戌刑在未申刑虎寅巳辰辰午刑午三奇入墓好詳之甲日那堪得未時丙丁屬火火墓戌此時諸事不須為更兼六乙來臨二星奇臨六亦同推又有時干入墓宮課中時下忌相逢戌戌壬辰兼丙戌癸未丁丑亦同凶五不過時龍不晴號為日月損光明時干來尅日干上甲日須知時忌庚奇與門兮共太

陰三般難得總加臨若還得二亦為吉舉措行藏必遂
心更得直符直使利兵家用事最為貴當從此地擊其
衝百戰百勝君須記天乙之神所在宮大將宜居擊對
衝假令直符居離九天英坐取擊天蓬甲乙丙丁戊陽
時神居天上要君知坐擊須憑天上奇陰時地下亦如
之若見三奇在五陽偏宜為客自高強忽然逢著五陰
位又宜為主好裁詳直符前三六合位太陰之神在前
二後一宮中為九天後二之神為九地九天之上好揚

兵九地潛藏好立營伏兵但向太陰位若逢六合利逃
形天地人分三遁名天遁月精華蓋臨地遁日精紫雲
蔽人遁當知是太陰生門六丙合六丁此為天遁甚分
明開門六乙合六巳地遁如斯而已矣休門六丁共太
陰欲求人遁無過此庚為太白丙為惑庚丙相加誰會
得六庚加丙白入熒六丙加庚熒入白白入熒兮賊即
來熒入白兮賊須滅丙為勃兮庚為格格則不通勃亂
逆丙加天乙為直符天乙加丙為飛勃庚加日干為伏

干日干加庚飛干格加一宮兮戰在野同一宮兮戰於
國庚加直符天乙伏直符加庚天乙飛庚加癸兮為大
格加巳為刑格不宜庚加壬時為上格又嫌歲月日時
遲更有一般奇格者六庚謹勿加三奇此時若也行兵
去匹馬隻輪無返期六癸加丁蛇夭矯六丁加癸雀投
江六乙加辛龍逃走六辛加乙虎猖狂請觀四者是凶
神百事逢之莫措手丙加甲兮鳥跌穴甲加丙兮龍回
首只此二者是吉神為事如意十八九八門若遇開休

生諸事逢之總赴情傷宜捕獵終須獲杜好邀遮及隱
形景上投書并破陣驚能擒訟有聲名若問死門何所
主只宜弔死與行刑蓬任冲輔禽陽星英芮柱心陰宿
名輔禽心星為上吉衝任小吉未全亨大凶蓬芮不堪
遇小凶英柱不精明大凶無氣變為吉小凶無氣亦同
之吉星更能逢旺相萬舉萬全功必成若遇休囚并廢
沒勸君不必進前程要識九星配五行各隨八卦考義
經坎蓬星水離為火中宮坤艮土為營乾兌為金震巽

木旺相休囚看重輕與我同行即為相我生之月誠為
旺廢於父母休於財囚於鬼兮真不旺假如水宿乃天
蓬相在初冬與仲冬旺於正二休四五其餘倣此自研
窮急則從神緩從門三五返覆天道亨十干加伏若加
錯入庫休囚百事危十精為使用為貴起宮天乙用無
疑宮制其門不為迫門制其宮是迫推天網四張無走
路一二網低有路通三至四宮行入墓八九高強任西
東節氣推移時候定陰陽順逆要精通三元積數成六

紀天地未成有一理請觀歌裡精微訣非是賢人莫傳與
陽遁歌

冬至驚蟄一七四小寒二八五為次大寒春分三九六
立春八五二為局雨水九六三無失清明立夏四一七
穀雨小滿五二八芒種六三九為法

陰遁歌

夏至白露九三六小暑八二五陰局大暑秋分七一四
立秋二五八宮次處暑一四七為是霜降小雪五八二

寒露立冬六九三大雪四七一宮絨

八門九星定例歌

坎宮一位起蓬休芮死還居坤二流沖宿傷門三震位
杜門天輔巽宮周心開乾六禽星五天柱驚門兑七求
生任居艮景英九禽宿無門坤上遊

按奇門擇時之法以乙丙丁三奇與開休生三吉門
會合為吉修造則專取三奇到方其起例如前法陰
陽遁各九局自局之本宮起甲子陽遁順布六儀逆

布三奇陰遁逆布六儀順布三奇戊同甲子己同甲戌庚同甲申辛同甲午壬同甲辰癸同甲寅捷法陽順陰逆以戊己庚辛壬癸丁丙乙為次蓋順布丁丙乙在乙丙丁即是逆而逆布丁丙乙在乙丙丁即是順也其八卦八節一氣統三之法冬至坎立春艮春分震立夏巽皆陽遁順行夏至離立秋坤秋分兌立冬乾皆陰遁逆行如冬至上元用坎一局小寒上元則用坤二局大寒上元則用震三局夏至上元用離九


局小暑上元則用艮八局大暑上元則用兌七局是也上元局定中元下元皆輪流自然之理蓋五日六十時為一元而甲巳日必甲子時故以甲巳日為符首甲子甲午巳卯巳酉日為上元甲寅甲申巳巳巳亥日為中元甲辰甲戌巳丑巳未日為下元如陽遁一局甲子日為上元甲子時起坎一巳巳日為中元甲子時起兌七甲戌為下元甲子時起巽四至巳卯日復為上元一節十五日三元既周則下節另起也

又有置閏之法乃由氣盈而生如今年甲子日冬至
用冬至上元是為正授正之云者符首與節同日也
至明年冬至為己巳日符首甲子在冬至前五日則
冬至前甲子日即用冬至上元是為超神超之云者
符首在節前也至後年冬至為甲戌日前之符首甲
子在冬至前十日後之符首己卯在冬至後五日前
遠後近則冬至前甲子日仍用大雪上元己巳日仍
用大雪中元冬至之甲戌日仍用大雪下元而冬至


後之巳卯日方用冬至上元重用大雪三元是為置閏閏之云者謂閏一氣也後巳卯日方用冬至上元是為接氣接之云者符首在節後也故曰置閏必在二至之前超不過十接不過五然此乃以平氣正授起算若以定氣而論盈縮各有不同當以遠近為斷如前之符首在節前七日後之符首在節後八日前近後遠則當仍用超神若前之符首在節前八日後之符首在節後七日前遠後近則當置閏可也接氣又有拆局補局之法先

用本節下元不可從要之正授之後為超神超神之
後為置閏置閏之後為接氣接氣之後為正授或為
超神此則一定不易耳其每局六十時飛布之法先
依本局排定地盤次取各時六甲之星為直符六甲
之門為直使以直符加時干陽順陰逆九星飛布九
宮以直使加時宮不論陰陽八門順轉八卦一說九星亦是
順行八卦直符騰蛇太陰六合白虎元武九地九天八神
陽順陰逆以次推排一說白虎作勾陳元武作朱雀今列二式於左

陽遁一局甲子時




乙丑時



如陽遁一局甲子戌起坎一甲戌己在坤二甲申庚在震三甲午辛在巽四甲辰壬在中五寄坤甲寅癸在乾六丁在兌七丙在艮八乙在離九是為地盤甲子時蓬戌直符加甲子休門直使亦加甲子是為伏吟乙丑時蓬戌直符加乙在離九芮己在坎一衝庚在坤二輔辛在震三禽壬在巽四心癸在中五柱丁在乾六任丙在兌七英乙在艮八休門直使加乙丑在坤二生門在兌開門在離丙奇與生門合于兌方吉

陰遁九局甲子時




丙寅時



如陰遁九局甲子戌起離九甲戌已在艮八甲申庚在兌七甲午辛在乾六甲辰壬在中五寄坤甲寅癸在巽四丁在震三丙在坤二乙在坎一是為地盤甲子時英戊直符加甲子景門直使亦加甲子是為伏吟丙寅時英戊直符加丙在坤二任已在坎一柱庚在離九心辛在艮八禽壬在兌七輔癸在乾六衝丁在中五芮丙在巽四蓬乙在震三景門直使加丙寅在兌七開門在艮休門在震與乙奇合生門在巽與丙奇合丙寅時震巽

二方吉全局一千八十各有專書今不盡錄也



欽定協紀辨方書卷三十五